



GLOBAL TRAINING NETWORK

Tabax a ndolnir kerceen njegu
doole , a saɗikna too a miñ.

KE NA CUNGEEL

A cang aleeke kaa cooxaa we
ndefna kam ndolnir mbaat we na
mbugraa daax le no ndolnir ne Roog
a bugtuuma kam fog ole no gimu we.

GLOBAL TRAINING NETWORK

Nuun fog es pastoor ke fo aa adax we,

Tabax ndolnir kerceen sadku too a xuud, kaa fof lesɔŋ 7 kaana na laytaa ke Roog a cungaa , fo katil um,a tegit um no ndolnir ne fo daap um ne ta bugtuuna, ci'it fo a tegit. Ke l mbugna teen, refu yooban pastoor ke fo aa adax we no cangu ke da maak kam ndolnir den, ndax nqiboɔr den kam ndolnir ne a ref lalɣan no wiin we ndefna no cangu ke den fo we da ngenitna . Keene kaa fi'el ndax ta waajan a nuun ndax nu mbaag o ndimle too sadkan we mbugna o ndolnirel fo we na ndolnireel a ndef no cangu nuun fo saate ke nuun.

Kaa koy a cangin ale ka mo'caa jeg o njiriiŋ yaa wiin dik waa na ndolnireel mbaat da mbug o ndolnirel a mbi'andooran . Lesɔŋ nuu refna a juga o peŋ na fa lay fee Roog, a juga waxtaan, fo waag a migin o peŋ no xoox of boo waagin a jepeet too ga'ino. A juga calel kaana ndime'aa we na ndolnireel ndax da mbaag o andid ke lesɔŋ ke a njangnitaa.

Na lesɔŋ 7, kaa fi'el ndax goor we fo rew we a mbaag o nqet no xa pinj xa pogreer a mbaag o njangandoor ke Biibal fee a layna no bargal pogreer ke den nen faap, yaay, o kor mbaat o tew oxaa na dolooxaa.

Yakaaraam ee xan a ref na nuun calir kaa njegna o njiriiŋ no pastoor ke fo aa adax we no jangu fee no ne da ñoowtaa ndolnir kerceen den.

Sam Kiristaa a barke a nuun.

Mike Edelman

Senior Training Consultant | GTN

Tabax ndolnir kerceen no kaa saɗikna too a miñ.

Ndooran ne no fop

Kaa I mbug o yooban jeetaay le jegna ndeer pastoor ke fo rew den na laytaa ndolnir nuun fo qiboor ke kam ndolnir ne no we mbogna no jangu nuun fo saate nuun. Kaa I nqeda ndax a cangin alene a sadkand ndolnir nuun too a tax boo nu mbaag o ndimle we na ndolnireel fo we mbugna o ndolnirel kam cangu ke nuun.

Ke a cangin ale a fofna

Lesonj 1: ke Roog a bugna no ndolnir ne

Lesonj 2: ke Roog a daapna no ndolnir ne | daaw, inoox too ref leng.

Lesonj 3: Doole fee Roog a fi'na no ndolnir ne | o mbeq onqe Yeesu fa doole fe no Yiif tedu le.

Lesonj 4: ñoowir ke Roog a cooxna ndolnir ne | Waag o jetaay no ndigil

Lesonj 5: ñoowir ke Roog a cooxna ndolnir ne | Waag o duuf jam ne Biibal fee a laytuuna, jofoorand, a baasan boo nandatin ne Roog a bugna

Lesonj 6: ke Roog a regtina no ndolnir ne | niw ndolnir ne no kaa jofna na yoon ale

Lesonj 7: goor we fo goor lakas | rew we fo rew lakas

Ke fofeena

Appendix I: A qef no ndolnir of, o kor, o tew of, fo basil of, nqotteena na Biibal fee

Appendix II: ke na laytaa a safe ke fo biibind we

Lesong 1- Ke taxna Roog a dalin ndolnir ne

Ke a cangin ale a laytaa

Daax le

O ga no ke Roog a bugna no ndolnir ne fo fop ke waguuna o yaq.

A Pind a Tedu ke

No Mberaand naa 1:26-28 fo No mberaand naa 3:1-8

Ke na wideel teen

- Ndax we na ndolnireel a and ke taxna Roog a dalin ndolnir
- We na ndolnireel a ndiroox o ga ole Roog no ndolnir ne
- We na ndolnireel a ngoorgoorloox ndax da mbadin ke Roog a bugna no ndolnir ne

Ndolnir: Roog saku too a dalin ndolnir ne (No Mberaand naa xa saar 1 fa 2)

Ci'it ke no ndolnir ne fo ci'it ke no ñak o dolnir (1 Korint 7)



A Pind a Tedu ke : No Mberaand naa 1:26-31

“o deendoor” nitaal ne Roog



- Xar refu ke a betandax ale a laytaa?
- Xar ref'u ke Roog a bug'ina yee ta sakna a Aadama fa Awa?
 - Da ndef o deendoor, a lalit o nitaal ne Roog kam adna fee.
 - Kaa i saktel no nitaal ne Roog – nam i mbaagu o ndefit o deendoor /lalit nitaal ne Roog kam ndolnir ne ?
 - No samandaal: Filip 2:3-4; Kolos 3:12-14
 - Da motandiraa too oxuu refna a jeg o ñaay no lakas oxe
 - No Mberaand naa 2:18-25; Xar tax'u faax'ee Aadama a yoq o kofong a kofongin?
 - Nam nguutatir ne i njegna a waagu o dimle'it a in kam ndolnir ne in ?
 - Maydand lam ne Roog (1 Korint 11:11)
 - Fokat ke Roog a sakna.
 - Topatoox /gaynaak = “shamar”; jiriiñjooreena kam a Lim ale 1:53, 3:7-8 no carind ale Lewi; calel ke no mbind Roog ne
- Nam Roog a mbugit'u Aadama fa Awa a mbadnit Keene fop ta bug'ina?
- Ndax o bug ole Roog a waaga o ga'el kam tolir ke ndiiki? ii ndii xa'aa? Xar taxun?
- Xar i mbaru o mbi ndax i nannan fa lay fee Roog?

ke na fi'keel : Xaajrel a betandax no ke ñoowoona

No a kurup a neewu, jeetayti fop ke jofna no ndolnir fo ke na taxaa joono a jeg kam fee.

- Kaa jofna no wod fo baal fa doole;
- Kaa jofna no neew doole fa coono.
- Maafir ne nu mbaamritna nuun gaynaak we.


A Pind a Tedu ke : Mberaand ne 3:1-13

A juga ke na ñoxoraa fo o bug ole Roog kam ndolnir ne.

- Xar a betandax ale a laytaa ?
- Xar refu ke da mbi'ina ?
- Xar refu jafe-jafe ne mocna o magin kam ndolnir ne Aadama fa Awa? (A mbi'anaa a qoox den too mbokatee teen a Roog; deeti saytaane - Esayi 14: 12-14)
- Kaaga, nam a waagu o refit a panq no ke Roog a bugna no ndolnir ne ? deeti ne bakaad fee a duqtaa xa toq xa nahaq axe Roog a bugna kam ndolnir ne
 - Yaq nitaal ne Roog
 - A yoon jegatee (banjir , ngendandoor)
 - Lam ne Roog a yaqel (No Mberaand naa 4:1-8, lam mbaaxeer)
 - Sutel a fmg ale
- Xar kaaga a tektu na in ? Nam bakaad a yaqtaa o bug ole Roog kam ndolnir ne ndiiki ? Cooxtiyo samandaal.
- Xar I mbaru o mbi ndax I ndeef fa lay fee Roog ?

Ke bakaad fee a rimna
Gaci/ a qaw – 3:7-8
Diid (d'as) – 3:9-10
njamb o lakas – 3:11-14
ke na dalkaa a denl – 3:15-16

“katil ke na mafraa fa mi”



ke a cangin ale a fofna.

- Ndolnir kaa jeg o njiriiñ! An sosu ndolnir ne?
- Xar tax'u Roog a sos ndolnir ne ? (tig 4 ke taxna ndonir a sosel)
- A juga katil mayu kaa na ñoxoraa fo d'aap ne Roog no ndolnir ne. Layi a den?

Waag o and o saar ole boo jeepeetin : No Mberaand naa 1;27

“Roog a saka o kiin no nitaal um, a saka a den, o koor fo o tew da nand fa Roog”

Ke wareena o fi: Calel 1: Nam I mbi,ka?

Fat nu mbid o mbinj onqaa nu mbaagna o nqet nen wiin dik waa na ndolniraa. Soo o kiin-oo-kiin na nun a fi'ood eggersiis 1 ne. Boo nu yutna fat nu nqaajir ke nu nga'na teen a ndeer nuun.

Calel 1: Nam i mbi'kaa?

Xalaati too cooxti xa tontax no laamit ke na xa delem of.

Xar refu ciko tadiik paax ke ndefna no ndolnir?

- 1.
- 2.
- 3.

Layi tig dík ke ga'oona no ndolnir of waagoona o fi ta moy o faax?

- 1.
- 2.

Tig leng kum waro fi ndiiki ndax ndolnir of a moy o sadík , a faax ?

Fat nu nqaajir xa tontax axe a ndeer nuun.

Lesonj 2: Daap ne Roog a jegna kam ndolnir ne.

Ke a cangin ale a laytaa

Daax le

Lesonj nene kaa laytaa daap ne Roog kam ndolnir ne fo tig leng leng kaa wageena o ga nen kaana ñoxoraa fo daap neene . Xan I nga ndef leng, ndimle'ir, mbaat ñak o ndimle'ir fo ref wo soom. .

A Pind a Tedu ke

No Mberaand naa 2:18-25 fo Mace 19:1-9

Ke na wideel teen

- O and
 - Andiloox a dodook a naxak ake Roog a geenitna ndolnir ne
 - Andiloox ke waagna o yaq ndolnir ne Roog a dalinna.
 - Jang ne daap ne Roog kam ndolnir ne a suttang no o woot too a fi boo o jeg o yoon.
- A pesorod ake
 - Bug o ñoow kam ndolnir ne, ne Roog a daaptuuna.
 - Fapaa lakas we kam jangu fee fo kam saate den da ndeef o bug ole Roog kam ndolnir den.
- Andiloox ke nu mbarna o mbi ndax nu njof mbaamir kam ndef leng nuun , no nqiboora ne no ndolnir nuun

Ndooran ne

Kam a cangin ale falakna, I nga'a ee Roog dalnu ndolnir ne too a juga teen yuub mayu kaa ta bugna a fadin . Mbatandoxyo yuub naqik keene .I andilooxa itam ee a juga kaa na ñoxoraa fa den . Lesonj ne kaa laytaa kaa jofna no tabax took fer leene yaa I ndeefaa daap ne Roog mbaat ke lalteena no ndef leng ne no ndolnir ne too a feeñlel no xa toq xa naqak aqe. Xan I layit itam ke waagna yaq ndolnir ne .

Ke i mbi'kaa:

Kam no ke na wideel no lesonj, oxe n fi'an kaa jang xa ponq xa daq axaa mbogreerna o nand. Bokaty o xa ponq xa daq axe, mbi'in o leng. No muukandoong ne no calel ke, waaga o lay a den ndax nqaajaxin xa ponq xa daq axe mbogreerna o nand ...no ndigil, keene waagooxee!)

Laamit nahik

- Xar refu ke nu nga'na no njiriiñ onqe no lesonj nene ?
- Xar refu ke xewna no fonq ole ?
- Nam keene a refu nitaal no ndolnir ne ?
- Xar taxu nu mbaagee o nqaaj xa ponq xa daq axe nandeerna?



A Pind a Tedu ke : No Mberaand naa 2: 18-23

- Xar refu jafe-jafe maak fee Aadama? (soxla o tiidimle, o yoon; oxe nandna fa ten; ndax ta motandin)
- Ndax jabkogaa Roog a cooxong soxla nandu neene?
- Nam Roog a daxtu soxla maak ne Aadama?
- Xar nu mboogu ee ten taxu Roog a sakit a Awa ne ta saktuuna?
- Xar nu mboogu yee ten Aadama yegu yeeta eetna o ga a Awa?
- A muuk ale no lesonj ne

Ke a cangin ale a fofna

I nga'a yee xalaata xoox, of soom kaa taxaa o yung kam ndolnir of ndaa reefan ke Roog a Layna kaa taxaa o ref o leng fo oxe o dolnirtaa . Fat i nga o njiriiñ onqe refna no jang oxe o dolniraa nen ci'it naa inoorna na Roog.

A tipax 1: jang oxe dolnirtaa nen oxaa Roog a ci'ongaa .

- Xar Adama a and'u na Awa yee ta xetafuleerna fo ten ?
- Xar nu mboogu yee ten tax'u Aadama a sawar no tew oxaa ta and "afuleerna ? (kaa gecnoox'u no jiko fee Roog yaam a and'a ee Roog kaa faaxna soom a cooxkan.)
- Xar na taxaa wiin we a nqayaa rew den too a mbar'u o yoq fa den?
- A refangaa yee oxe o dolnirtaa kaa ref ci'it na inoorna na Roog, nam keene a waagu o feeñit no me oxeene o neewna doole?
- Motandi ke bugeena o lay meeke: A sobangaa yee _____ kaa ref ke Roog a ci'axama , yaaga boog cabin nen ci'it Roog kaa tekit ee kam war o _____.

A Pind a Tedu ke :No Mberaand naa 2: 24-25

Ke a cangin ale a fofna

A ñaaynod ale warna ndax o aar ndonir naana ñaaytaa ne Roog a bugna a juga a taraand a naxak . Ke yoobna o garaa fo njuumte refu ee kam ndolnir ne, a taaraand akeene a mbi"ee boo yut. Mayu kaa mbogaa yee , xay a faap of fa yaay of , ndefat o leng, too mbogat njer leng, we na sogaa o ndolnir soom a refanu. Keene kaa ref a taaraan no ñoow o ñis in fop ndax i maak no ndef leng ne fo ndigil ne.. Xar refu a tipax a tadak ake yoqna too a ngeenin daap ne Roog kam ndolnir ne too a mbeeñlel no xa perj 24-25?

A tipax 2: O ret

- Xar o saar ole a bugu o lay yee ta layna "reti " (O koor oxe a wara o yut ndax ta gadoox ndolnir um fo basil um)
- Xar taxu ret a jeg o njiriiñ ? (god a faap fa yaay a naanga taxaa boo we na ndolnir a ndimle'raa a ndeer den a paa)
- Xar waagu xew kam ndolnir yaa paap ke a ndokna teen boo ta xup? Xar waagu jeg a refanga ee we na ndoloxaa no ririm we a moyu ndam ee no we da ndolnirtaa?

A tipax 3: waa mbokateena

- Xan o koor oxe a xiboor fo o teem too den dīk xan a ndefat njer leng. O delem "ndef leng" kaa jeg doole no ke ta jangnirtaa nen kaa fokateena boo waagataan o xaaj. (Tas a tolax refu ke simteena: Mal 2:15-16, Mace 19:3-6) (ne i nga'tuuna fo ponq axe)

A tipax 4: Ndefat o leng

- Keene a naanga o laytaa mbokatax no njer ne ndaa a jola maaga . Dik we kaa ndefat o leng , waa mbokateena, ndefatee wiin dīk ndaa njer leng !
- Deeti no perj 25. Gaci jege no ndef leng neene. A juga a betax. Oxuu refna ka xoloox o lakas oxe , a niwin too a fexin ,
- Kaa i nqolooxaa oxe i ndefitna too ndamoox no ten fo no nqiboor ne no ndolnir ne .
- ndolnir kaa ref nqiboor fo kolori ndaa refu a katit a pindee. Layi nquutatir ne jegna mene.

Tig 5 ke na laltaa o bug

1. Baxtu jegu o njiriiñ
2. Dagoox, dimle
3. Daaw ci'it ke
4. Xa delem xa pelu
5. Nduqir no cer ke

ke na yaqaa waxtaan le

- A pi ake
- O ga / A qalaat
- ke na yegeel /ke na xememeel
- ke bugeena /diid/ oxe refoona no ndigil



Ke na fi'keel: Ngajir ke i ñoowna.

Wetandooxi mberandoong ne na betandax ale no ndolnir of!

Yoon fo wiin tik waa na nolniraa, no taḅ-raḅ, xaajri fa den a mbetandax ale no ne nu nqattina fo ne nu ndefitna o koor fo teem .

A Pind a Tedu ke : Mace 19:1-9

Ndaa koy a juga kaa na ñoxoraa fo ndef leng ne Roog a daapanna ndolnir ne, too keene a waaga o bisiid nqajoor fo refat wo soom . Jangi nitaal neene ndaax o andiloox nguutatir ne refna a ndeer ndef leng too ndimle'raa fo yoq wo soom .



Jangyo Mace 19:1-9

- Aniin ndefu wiin we eeteena a layit kam o saar ole?
- Xar refu ke xewna kam a betandax ale?
- Xar refu jafe-jafe fa maak fee Yeesu a laytaa meeke?
- Ndax jafe-jafe nene a naanga o xewaa kam a tolax ake xaye, kam jangu fee, kam saax le? Cooxti samandaal.
- Xar wiin we a mbaru o mbi ndax da ndeefan fa lay fee Roog?

Ke a cangin ale a fofna

“Xeeñ sadku” a waaga o deetel nen kaa waagna o godatirand too a bisiid o yoq kofong . A juga fañ nahik waa mbaagna bisiid “xeeñ sadku” fo o yoq kofong, too a waaga a bisiid a tas a tolax .

- **O pañ 1 : ñak o nanoor**
 - A juga tig mayu – ngiin ndew mbaat ngoor, wareef, basil, cosaan, jiko, etc.
 - Kene fop a waaga yaq ndef leng ne mbaat da sadkanin
- **O pañ 2: ke betna a in** (qasir ke yaal den a mbaasnooreerna)
 - A naanga o xewaa yaa ke i cungaa a jegeerna, oxe o dolnira fi'tee ne bugtoona.
 - Ke na bisiidan refu yaa o deetaa ke buguuma soom too fañ o deet itam ke o lakas oxe a bugna kam ndolnir ne. Um wadaa ke jeguuma mi soom, fañ o topatoox o lakas oxe.
 - O kiin oxuu refna a juga baxtu kaa ta xalataa a xoox um soom.
 - Xar i mbaru o mbi'an o lakas oxe no ke ta cunooogna too ga'iran ndax ndef leng ne a jof mbaamir to a sadik?

- **O pañ 3: jafe-jafe ke**
 - Calel ke, nqeex ne, xalis, xa biy, pasil, jir le ...
 - Jafe jafe ke mbaree o bisiidaa soom nqaajoor ndaa a mbaaga o sadkand ndef leng ne .
 - Waraa o waajan jafe-jafe ke ndax o waag o bisiid xa tontax xa paax.
- **O pañ 4: Moy, njaalo**
 - Moy ten refu ee woxe waadāa ka motandoonga me refeer kam a tolax, of.
 - Fe a koɓ mbaat njaalo mbaat fop ke na xewaa tafil ndolnir ne. A waaga o ref mbugir, calel, o bug adna, calel ke na jangu fee o koor o lakas, ka jechoona, a cikax, jangu, a yer, xa biy....
 - Hebre 13: 4, 1 Korint 7 : 10-16
- **O pañ 5 Sambir-** Ten refu o yungel o maak ole koy; ndolnir jegatee. Wetandooxi O Baawaare xe 5: 4-7.

Oxum no keene xetto no ñoow of?

Nam fi'o yee keene a rokiidna kam ndolnir of ndii woxey na ñoowan xaye?

A betandax no lesorj ne

- Xar refu xa pinj xa daq axe njegna kam ndef leng ne no ndolnir ne?
- Xar refu a tipax a 4 ake Roog a fi'na kam ndolnir ne?
- Xar refu fañ 5 we no daap neene?

And o peñ ole too waagin o jeepeet: No Mberaand naa:24-25

"Ten taxu o koor a xayaa a faap um fa yaa um, too a hiboora fo o teem, soo da ndefat njer leng kut . O koor oxe fo o teem o bor a yoq'u too sed'eeyo teen dara "

Ke i mbarna o mbi: We Filip - Xa tim axe no we ngenna Filip

Waadi o mbinj onqaa nu mbaagna o nqet fo we nu ndolnirtaa. Oxuu refna na nuun a wara o fi ke simteena no eggersis 2 fee. Boo nu yutna nuun fop koy, fat nu nqaajir xa tontax axe nu mbi'na fo o tew nuun, goor we mbaru o eetit.

Calel 2: We Filip

“Ndiiki koy fog es, fat a qalaat nuun a njagin no fop ke refna ndigil, fo kuu deyeena o niw, fo kuu faaxna fo fop ke xoolna , a deyel o fex, a warel o jab , a faax, a deyel o tagas.) Filip 4:8

Xalaati oxe o dolnirtaa too o lay:

1.Tig leng kaa refna ndigil:

2.Tig leng kaa deyna o niwel .

3.Tig leng kaa jofna .

4.Tig leng na xool na.

5. Tig leng kaa deyna o fexel

6.Tig leng kaa felna o nanel

Feri o bind o tew of mbaat o kor of o leetar no mbugir jiriiñoor ke xaajroona took fee fo laamit ke na ndeefaniidaa. Fat o jiriiñoor paas ne na doonooxkaa ndax o bind o leetar of.

- Xar refu ke moyaxama o fel na wo yee eetuumaa o xet fa wo ?
- Nene i ndefatna kam ndolnir in, xar refu jiko ne moyaxama o fel na wo ?
- Nam ngutatir ne in a a dimletaxam ndax um maak no ngim onqe fo no ndolnir ne ?
- Xar refu ke waruuma o fi ndax um moyo bug a Roog to moyong o bug a paax itam?

Xan nu njeg o daaw ndax nu niir oxuu refna o leetar um na bes fa mbalakaand fee na cangin ale.

O leetar mbugir es kam bindan a _____

ñaal ne : _____

Lesong 3: katil ne Roog kam ndolnir ne

Ke a cangin ale a fofna

Daax le

Lesonj nene ka moy o jangnita a o njiriin onqe refna no mbeq fo nqiboor ne o kiin a warna o jeg fa yeesu kam ndolnir um .

A Pind a Tedu ke

O Baawaare xe 4:9-12:Sanj 4:7-14

Ke i mbugna teen

- O and
 - Andiloox ke i soxla'na ndax i ndaaw katil fee fo o mbeq onqe Roog kam ndolnir ne .
 - Andiloox ee o mbeq hupu o njiriin kam Yegil mbaax ne.
 - And a paax ee jeg o mbeq no lakas we kaa laltaa ee i mbexa a Roog .
 - Andiloox katil ne jegna na pexey Yiif Tedu le too a ci'el fop we ngimna.
- Ke i mbarna o mbi
 - Waadaa katil ne no mbeq onqe Roog kam xa ñoow in fo ndolnir in.
 - Daaw o mbeq onqe Roog fo o ñoow o xas na Yeesu: Jeg a suptax .
 - Jeg o bug o ñaayit na pexey katil ne no Yiif Tedu le.
 - Jeg o mbeq ndigil no kor of mbaat no tew of.
- Fat oxe o dolnirtaa a ga o mbeq of no ten a paax.

Ndooran ne

Ke lesonj ke a mbofna fop kaa jof no nqiboor ne no ndolnir ne. Ndaa koy we ndefna no ndolnir ne a mbara o and kam xa ñoow den o mbeq onqe fo katil ne Roog , yaam kaa jeg o njiriin na den ndax da mbaag o ñoow o mbeq fo katil kam nqiboor ne no ndolnir ne .

A betandax lesonj 2 Ndolnir kaa ref kaa domna. I soxla'a teen o ndimle. I soxla doole ndax i mbaag o sadik yaa deetlax a jegna kam ndolnir ne. I soxla katil ne no mbeq onqe Roog.

ke na fi'keel ; Ke na waadeel no lesonj ne

Xaaji we na njangaa a kurup . Degi o baak olaa jegna sooy tadiik xa morso xa mayu too o coox gurup luu refna o deg no baak ole. Fat da mbaxtaan teen. Da njang ne ta xedanteena.

- Xar nu njangu no ne o baak ole a fi'teena ?
- Xar nu mboogu ee ten taxu ta fi'tel neene ?
- Xar na xewkaa yaa sooy leng a suteena teen?
- I njangangaan nen samandaal no ndolnir ne, xar refu ke sooy ke a tektaa?



A Pind a Tedu ke : O Baawaare xe 4:9-12

- Anna layteel kam o saar ole?
- Xar refu ke xa penj axe a laytaa?
- Xar refu jafe-jafe fee da moyna o laytaa?
- Ndax nu naanga o nga'aa jafe-jafe keene kam ndolnir ne ndiiki? Yaam xar kaaga a jeg?
- Ndax a juga ka jaaxlandoonga no penj keene? (deeti penj 12)
- Xar nu mboogu yee ten refu ke bugeena o yegnit?
- Xar keene a waagu o rim no ndolnir ne ndiiki?

Ke na layteel kam o saar ole:

nqaaritoor / njalandoor

Ndef dik moyu yee o ref kotong
Mbef no dadik hupu mbef no
wiin dik!

- Ne da njalandooraa
- Yaam ne da muñanraa a ndeer den
- Yaam ne oxuu refna topatooxaa o keng um
- Yaam ne oxuu refna aaraa o lakas oxe

Fex lakas we ne Roog a fexitna a den

- Kaa fexong too a sakong ndax o fexin too fex lakas we itam. Kaa bug o lalit o mbeq um kam adna fee, fo me widoonga -1 Sanj 4:9-10
- Ndaa a juga jafe-jafe. O kiin oxe kaa xaajoor fo o mbeq onqe fo katil ne Roog too waagee o yeg a den kam o ñoow um.
 - Ngofatir neene a Biibal a xoyaa bakaad a dala took wiin we fop Rom 3:23
 - Ngofatir neene koy na fa ngon a bisaa - Rom 6:23
- Yeesu refu o ndok-a- ndeer onqe Roog a fi'na ndax ta duguuñ bakaad fee ndax I mbaag o ñoow kam o mbeq onqe fo katil ne Roog.
 - Roog a juga o mem no kiin na Yeesu - Sanj 3:16
 - Yeesu a xonnanna a nuun - Rom 5:8
 - Yeesu a xontooxa - 1 Korint 15:3-6; Lik 24:1-9
 - Yeesu soom refu pexey ne ndax o kiin a waag o jeg o ñoow ole, o mbeq onqe fo katil ne Roog - Sanj 14:6; A Pi ake 4:1-12; 1 Timote 2:5
- Waaga o daaw ci'it ne na muc ale fo o ñoow o xas yaa gimoona na Yeesu - Tiit 3:4-7
 - Gim na Yeesu kaa tekit xoolooxin too jab ci'it ne ten ndax o muc - Efes 2:8-9
 - O kiin oxu refna a wara o jab a Yeesu ndax o mbeq onqe Roog, ci'it ne na muc ale fo o ñoow o fagkeer - Sanj 1:12
- Ke ta rimna - i ngimaangaa na Yeesu, xan i nga o mbeq onqe fo katil ne na xa pasonj xa mosu xene.
 - Pakaad in a mbaasane - Kolos 2:13
 - I njegata o ñoow o fagkeer ole - 1 Sanj 5:11-13
 - I ndefata xa tebandoon Roog - Sanj 1:12
 - Xan I ndaaw ci'it ke no Yiif Tedu le - Rom 5:11, 8:9-16
- Ngedyo ndax wiin we mbaag o njeg o woob olaa da cooxitna o ñoow den a Yeesu.

A Pind a Tedu ke :1 Saŋ 4:7-14

- And bindu a delem a kene too an a bindoogun?
- Xar refu yegnit ne refna kam xa peŋ axene ?
- Nam xa peŋ axene a njagnitaa a in no kaa jofna no mbeq?
- Xar refu ke xa peŋ axene a mbaagna o njagnit no nqiboor ne no ndolnir ne? (peŋ.9,11-12)
- Xar i mbaagu o mbi na laltaa yee i nannanna a Roog?

Jeg nqiboor sadku fa Roog

- Xar refu ke buge buge ke nuun fo a koorgoorlax nuun a mbaagna o ndim kam ndolnir nuun?
- Xar i mbaru o mbi ndax i maak no nqiboor ne in fa Roog?
- Yiif tedu le na ci'aa a in doole ndax i maak a ndeer in fa Roog fo lakas we itam . (Saŋ 14:16)
 - Yiif tedu le kaa fod fo Faap fee fo o 'Beenqe
 - Yiif tedu le na dimle'aa in ndax i and Biibal fee (Saŋ 14 :26, 1 Korint 2 :12-13)
 - Yiif tedu le na dimle'aa in kam a qeŋ ake in. (Rom 8:26-27)
 - Yiif tedu le na andnooraa a in ee baabakaad i ndefu (Saŋ 16:8)
 - Yiif tedu le na dimle'aa in ndax i yegnitik Yegil mbaax ne (A Pi ake 1:8)
 - Yiif tedu le na dimle'aa in ndax i mbex lakas we too i cungkee teen tig. (Galat 5:22-23)
- Waag o andiloox o ndimle nqe fo katil ne no Yiif Tedu le a naanga o soxla'aa o muñ, no ñoow o ñis fop.
 - Fat o may fo Yiif Tedu le. (Efes 5:18)
 - Nam refu ne o kiin a waagna o mayit fo Yiif Tedu le?

A betandax no lesonj ne

- Xar refu katil ne na dimle'aa in ndax i maaf ke na yaqaa ndolnir ne ?
- Nam Roog a fextu a in? Layi leng leng no ke andoona no mbeq onqeene.
- Xar kaaga a tektu kam ndolnir ne fo basil ne ? Nam I mbaagu o ñoowit o mbeq o nqene fo oxe i ndolnirtaa fo itam xa biy axe in ?

O peŋ olaa I mbarna o mokin-Saŋ 15:12

."Kene refu kebil es: Mbexiryo a ndeer nuun , ne fextuuma a nuun" Saŋ 15:12


Ke i simeena : Calel 3: ne ta moyna o faaxit .

Deetyo ma nu mbaagna o mbokatoor, nen waa na ndolniraa too njeetaayit xa tontax axe nu njegna no laamit ke.

Calel 3:Ne ta moyna o faaxit

Wiin waa mbokatooxna a njalaandooraa:

Motandi fa lay feek : O mbeq refu ...



Calel ke no we na ndolniraa:

- Fat oxuu refna na nuun a niir 1 Korint 13:4-8 sofit a kon nuun fo d'elem le refna o mbeq.
- Fat oxuu refna a fap o lakas oxe fo samandaal jegu solo no ne ta laltittaa xa qos axe no mbeq onqe.
- Fat nu nqaajir ne o oxuu refna na nuun a bugna o maakit yaa ta laltaa o mbeq onqe ta jegna no lakas oxe.
- Fat o xaajir samandaal kam ndolnir ne nuun me nu soxla'na ndiiki o ngeynoox no katil ne no Yiif Tedu le!
- Fat nu nqed'andoor ndax Yeesu a jangin a nuun ke oxuu refna a bug o lakas oxe a paax a tekitna.

Lesonj 4: . N̄oowir ke Roog a cooxna ndolnir ne | Waxtaan

O ga no ke lesonj ne a laytaa

Daax le

Lesonj ne kaa laytaa kaa jofna no waxtaan too Roog a cooxtin ndax ta ref kaa na sadkandaa ndolnir ne.


(Xoox le yaal mbind Potato: nof d̄ik , o don o leng - Saak 1:19, Xa Pedit axe 10:18)

A Pind a Tedu ke

Xa Pedit axe 18:1-8; 15-22; Efes 4:20-32

Ke na wideel teen

- O and
 - Andiloox xa pinj xa daq axe moyna soxla wataan kam ndolnir.
 - Jang ne waxtaan fo nangiloox o lakas oxe a ci'taa o jeg yiif , ndef leng kam ndolnir ne .
 - Jang xa as xa leng leng ndax o waag o moy o jeetaayaa fo o tew of mbaat o kor of .
- A pesoorof ake
 - Waag o and too bug o njiriiñ onqe refna no waxtaanaa fo oxe dolnirtaa.
 - Xeboox waag o moy o waxtaanaa fo oxe reftoona no ndolnir of .
- Fat nu mber o ndeefaa xa as axeene cooxteena ndax ndolnir nuun a sadik.



Ndooran ne

Waxtaan refu ke na taxaa ndolnir a sadik. Waxtaan na taxaa boo nu ndef leng too nqajoor leng jegkee – oxuu refna a dimle'aa o lakas oxe. Waxtaan refu layaa soom ndaa a juga a nangilax, and ke o nannaa too waag o lay o ga of fo xalaat of.

A pind a tedu ke: Xa Pedit axe 18:1-8

- An xa perj axene a laytaa? (fanxoy)
- Xar taxu da ndef fanxoy? (v. 2, kaa mbañ'u o nangiloox, andee ke na layeel, kaa nqaan no a nqalaat den soom)
- Xar refu jafe jafe fa maak fee? (layaa too andiron ke xewna, d̄eetaa ke faaxna no xoox of soom)
- Ndax i naangaa o nga'aa tig nandu neene kam ndolnir ne? Cooxti samandaal.
- Xar refu ke dalna o d̄of oxe kam o saar olene?

18:1 – “Oxe sayooxna ” = ke faaxna na xoox um ,o xaadnax o nandu nen hate, kaa sib o jeg yiif ole .

18:2 – “Fanxoy ” = naangee waad̄aa o and ndaa kaa layaa rek ; soxla'ee o and ke lakas we a layaa/ kaa ratataa, a juumaa a qalaat um .

18:4 – “Fa lay a waaga o ref a cur a cegu doole” = naanaxir , ke d̄asneena , ke wegooxna, jir ; “a cur ale no jeg yiif ole ” = ndigil, o wod

18:6 – “Fa lay fanxoy fee” kaa gartaa qasir , o don um a oraa o xawel um

18:7 – “O don fanxoy fee ” na taxan o san̄koox

18:8 – “Fa lay fa yaayaq d̄ool ” = fa lay fa njegee o njiriiñ, kaa xoyig

Ndiiki jangi kam xa Pedit axe 18:13, 15-24

(tontooxaa too fañ o nangiloox = fanxoy)

- An na layteel kam xa penj axene? (o kiin o cegu yiif too a yokoox)
- Xar refu ke ta guutatinna fo fanxoy fee layteena kam xa penj. 1-8?
- Xar refu ke moyna o layteel? (jeetaay, a nangilax)
- Xar refu muukandoong ne no wiin fogreer we no xa saar axene?
- Nam keene a duqtaa waxtaan le kam ndolnir ne?
- Xar i mbaru o mbi ndax i ndeefan a cangin ale na Pind a Tedu ke?

Fat I nqajir ke i ñoowna: “Andaam ee woxee nangilooxaa!”

- Fat goor we fo rew we a lalit ne oxuu refna a waagna o fi ndax ta lalit ee nangilooxee o lakas oxe.
- Fat o xaajir pexey ke mbaagna tax i mbaag o nangiloora? (jeetaay, waxtaan = 7% xa d'elem, 38% no ken a nanneel, 55% no ke refeerna xa d'elem)

A betandax na cangin ale

Layi ke moyooga o dimle ndax o nangilooxaa a paax. Keene a laamta:

- Coox cir a nangilax ale. (Saak 1:19) “ñof o nangiloox too fañ o teel o lay ”
- Cooxit fop (na nangilax ale 7:24)) “a nangilaax a ref topatoox ke wiin we a layaa”
- Jab o lakas oxe ndax o and ke ta layaa (xa petit axe 24:3) “o jeg yiif kaa sinjaa mbind, o yiy a geennan”
- Fat o laamit yaa andeeroona a paax ke o lakas oxe a Layna. Moytooxi fooga mbaat fa lay yaa andeeroona ke xewna.
- Jeetaay refree me na ñoxorteel, me waroona lalit ee wo buru mbaat wo saqu ndigil (maafu).
- Fat o wetandoox, yuu WAAGEEROONA o lay, – O tiim sax fa lay oo.

A pind a tedu ke : Efes 4:25-32

- Layi no tañ rañ ke i simeena o mbi kam xa saar axene ne ta laytaa no kaa jofna no ne waxtaan le a warna o refit .
- Xar refu jafe jafe fee moyna layteel kam o saar ole? (Nan Kerceen a laytaa a ndeer den?)
- Nam keene a waagu o xenandit ne nu njeetaaytaa?
- Xar nu mbaagu o mbi ndax nu nqenand ne nu njeetaaytaa?

A betandax na a cangin ale

A juga mene tig tadik kaa nu mbarna ngeek na yiif nuun yaa nu mbugna o lay :

- Xalaati a paax ke bugoona o lay (xa pedit axe 10:19);
- Xalaati ne waagoona moy o cooxit xalaat, of (Efes 4:29);
- Xalaat a paax waxtu fee moyna faax ndax o cooxit xalaat of (xa Pedit axe 15:23)

Ke na yaqaa jeetaay le



A betandax no ke I njagna

- Xar refu xa pinj xa ñaq xa maak axe waxtaan le a gecneena ?
- Xar nu njangu no nangiloox fo and ke o lakas oxe a bugna o lay ?
- Xar nu njangu no fa lay fo cooxit xalaat of ?

18:15 waadaa o and, nof no c'iy oxe a sakan
18:16 “jeg ci'it ” a nangilax
18:17 nangiloox a mbetandax ale fop
18:19 moytoox ke na gaañaaa basil / xaariit ke fo xa d'elem
18:20 o don kaa ref geeraa no ndap (a tuup /a saxad)
18:21 d'elem = katil o ñoow / fa nqon
18:22 Oxuu jegna o tew, a juga o daay !
18:23 Fa lay fa buubu / faana wodandaa
18:24 Xaariit o ñis o leng kaa ref barke

- Waas xa maañ
- Layaa ndigil
- Baa guud
- Fat xaajrel
- Waas fa lay fa ngobongu
- sadakin
- A baasan
- Waas o gooy, fuux, kam fa saasu
- O paaxel , yirmande

- Ke fi'eena; ke xewna no ñjaal ne
- A qalaat, “kam xalaat ee”
- Yeg-yeg ke , “kaam yegaa ”
- Ke gimeena, ciko ke, diid, ke na yuubeel “oxe refuuma”

Leson 5: Ke Roog a geekanna ndolnir ne | ñoow kam jam fee ne Biibal fee a jangnituuna (qasir ke, njofoor, a baasan fo nqenandoor)

O ga no leson ne

Daax le

Jang fop ke a Biibal a layaa no kaa jofna no layoor, a baasan fo njofoor a ndeer wiin dik waa njegna nqiboor

A pind a tedu ke.

Saak 4:1-6; Mace 18:21-35

Ke I mbugna teen

- O and
 - Andiloox ee nqasir kaa jegaa a ndeer no waa njegna nqiboor.
 - And ke i cunga fo ke taxna i mbi tig kaa waagna o bisiid njofoorafar
 - And jeego ke waroona o fi ndax waxtaan a waag o sax kam ndolnir of.
- A pesoorod ake
 - Jeg yirmande yaa o bisiidaa nqendandoor no waa nqasirna.
 - Jeg o bug o waasanit too waasnoot ne Roog a waasanitna a in .
- Layit fop ke refna njofoorafar a ndeer of fo o tew of mbaat o kor of too mbaad a baasan fo njofoor.

Ndooran ne

Ke leson ne a moyna o laytaa refu xenand njofoorafar fo a baasan. Nqasir kaa jegaa kam tolir ke fop, ndaa ne i mbesooraa yaa ta xewna a juga o njiriiñ lool . Ne i mbesooraa yaa nqasir a jegna na taxaa I moy o ngotatir mbaat i nanooratin too ndefat o leng. Kaa taxaa I ndefatin o leng mbaat i nqajoor.

Ke na fi'keel : xaajrel ke ñoowoona

(A moykooga faax yaa fi'oonaa a kurup a teb a mayu, too a njegangaa o daaw, fat a nqaajir fo gurup maak le.

Mbaxtaanityo ke nu mboogna yee ten yoobu o bisiidaa nqasir ke kam ndolnir ne. Nam nu nga'tu we na ndolnireel a nqenandoortaa a ndeer den yaa da njumoona?

"Muu wiin dik a mbokatoorna, xan maaga a jegaa njuumoo."

A pind a tedu ke : Saak 4: 1- 6

- And bindu a d'elem a keene? An a bindu a den ?
- Kaa jofna no xar a bindaa ?
- Xar refu jafe-jafe fa maak fee ?
- Ndax I mosa nga jafe-jafe feene kam ndolnir ?
- Xar Saak a bugu o andnoor kerceen ke ?
- Nam a waagu o liiftel no ñoow in ?
- Nam I mbaagu o nanannit a Roog too ndeefan fa lay um?

Xar refu njofooradar ?

A nqalaat mbaat o bug olaa yooneerna too a waag o bisiid fuux .

Maafir ke fo nqasir a ndeer nuun, man a inoora ? Kaa nu yaawa tig oo tig, ndaa nu naagee o ndaawaa a den. Kaa nuu yaaa o kiin boo mbugin o mbar, too tus teen bekee a nuun no jeg, ndax a rinaa a nuun no nqasir fo a ñox. Nu naagee o njegaa ke nu mbugna, yaam nu naagiran o nqedaa a Roog. Nu nqeedangaa a Roog sax, ndax ta ci a nuun tig, ci'kiran a nuun, yaam a nqedood nuun faaxee. Kaa nu nqedaa ndax nu mbadin a yuxum nuun. Kaa nu ngore'ee ! Ndax nu andee yee oxe fexna tig adna, o pan Roog oo ? O kiin oxuu bugna xaariitoor fo tig adna, a refata o pañ Roog. Ba nu mboog ee ke a Pind a Tedu ke layna caaxaan oo. Kaa tee : « Roog bugree lakas a gendir fo Yiif le ta ci'na a in. A ci'a in doole faa hupna fop. Kaa nand nen ke layeena kam a Pind a Tedu ke yee : « Roog a faña we na magnandwaa, ndaa a yirma we neewandooxna.

Xar na bisiidaa njofooradar ?

- Ñak o nanoor fo lakas we (A pi ake 15:22-29) (O xet ole Yeerusaleem: yegil mbaax ne no we ndeeferna Yaawuur)
- Ñak o nanoor no ke i mbugna, ci'it ke i cunga, ke i nqalaataa. (1 Korint 12:12-31) (Ci'it ke no Yiif Tedu le)
- Ngenandoor no jeg o doyeer. (Mberaand naa 13:1-12) (Abrahaam fa Lot)
- A pesoorod a paaxeer fo a yaaw um (Saak 4:1-3) (qiboor ke a ndeer no gimu we)

Xar refu maafir maak ne jegna yaa i laytaa kaa jofna no layoor kam o mbaax in ?



Kam saate faa mayna fo lanq, Roog kaa wetandaa a in a basand ale no pakaad ke in. Ndaa koy, kaa i nanqadilooxaa no lakas we yaam mbep lanq leng soom (bakaad leng).

Niiri Mace 18:21-35 (o tag o baasanitkeer oxe) too nu njeetay ne o magnandax fo ñak o waasanit a yaqtaa tol nir ke.

A jega lesong kaa njegna o njiriiñ too i mbar o and a den yaa i mbugna o maak too ndef waa na nduufaa jam.

1. Jang ne Roog a waasantaa a in.

- A baasan ale Roog kaa ref no ñofu too fop a waasantaa
- Roog kam yirmande um, kaa xooyaa a in ndax i mbeejil pakaad in ndax ta dalnatin a in.

“I mbeejlangaa pakaad in, Roog a gore’a too a jofa boo a waasanaa a in pakaad ke in, a xoolandaa a in no njofatar nuu refna” (1 Sañ 1:9)

- Roog naangee o saqanaa a in o njaaku kam too laamtee a in njigan leng ndax i nomtooxiid kam yirmande um. Kaa dalnatinaa a in a paax ne ta waritna.

“Ne asaamaan a garitna lanq ke took, neene o mbeq um a magnitu no we sadaruuna. Ne batan ne a gofatiritna fo mudan, neene a gofatirandtaa a in fo tooñ in” (A Kim a tedu ke 103: 11-12.

“Wetandooxkatiim pakaad den fo tooñ den muk” (Hebre 10:17)

2. Jangi ne o wasantaa a xoox of

- Moy o jaak ole na in a qoox den a moyu o ngañaa ee no lakas we.
- Fañ o waasan a xoox of ne Roog a waasantaa a in kaa ref o maab ole Saytaane a gimnoora wiin we yaa adna a sakeena boo xaye.
- Ka i mbar o mbaasana a qoox in ne Kristaa a wasantaa a in: no ndak fo ndak a fañ o laac a in tig too a waasan a in fop ..
- A baasan leek leek nangee o fortaa ke bakaad a rimaa ndaa tooñ ne fo gaci fee, Roog a suta a den.

Feeñlaaxoong pakaad es too ñasniroong tooñ es. Layaam ee: “Xam waasnook o Yaal oxe njofatar es “, too waasanaxamo tooñ es, donit ndoq ne no pakaad ke mi (A Kim a tedu ke 32:5)

3. Jang ne o waasantaa lakas we

- Fañ o waasan lakas we kaa nandit ee koo kumel.
- Dara waagee yaq o ñaay ole in mbaat ta sut ke i njegna too ta dey a in qupu o njaaku kam, fuux, xemem paaxeer no kiin o lakas.
- I nqooyaan ndax i mbeec ke a pi a paaxeer ake pakaad a rimaa no ñoow in , ndaa ke a Biibal a simtina refu yee i mbaasanaa lakas we .

“Neene itam, nen waa Roog a jilna nu mbog no ten, ta fex a nuun, fat nu mbof yirmande fo o paaxel fo a neewandax fo o buub fo o muñ. Naangyo muñanraa. A sobangaa koy ee o kiin na nuun a saqana o lakas tig, fat nu mbaasanir. Fat nu mbaasanritaa, ne Kiristaa a waasaanitna a nuun” (Kolos 3: 12-13)

“Mbotooxyo na qoox nuun. Boo o pog of a bakaadna, xasaneen. A fesangaa pakaad um a cinj; waasanen. A tooñangaang boo kaa fadna a caf betaa ñaq no ñaal leng, soo a gar boo a caf betaa ñaq a layong ee: fesaam pakaad es a cinj, fat o waasanin” Lik 17: 3-4)

4. Jang ne waroona o ñoowit a Mace 18:15-17

“O pog of a bakaadangaa, reti asin maa nu ndefna nuun dik soom. A nan-gilooxangaang, muclaa o pog of. Ndaa a nan-gilooxangirang, jangi o kiin o leng mbaat wiin dik fa wo, ndax fop a xenandoox na fa lay no seede dik mbaat daduk. A fañangaa o nan-giloox a den, layeen mbokatax ne no gimu we. Boo ta fañna o nan-giloox mbokatax ne no gimu we, fat o fi'in nen o kimafaru mbaat nen oxaa na rabdinooxaa juuti” (Mace 18: 15 – 17)

Mam o saar oleene a gecnooxu? Xar refu ke ta moyna o laytaa?

Xar waru ref ke i cungaa yaa i njeemaa o bisiid jam yaa nqasir a jegna kam jangu in?

Nam ta waru o fi'tel ne Mace 18: 15-17 a laytuuna?

O jaf 1.....

O jaf 2.....

O jaf 3.....

O jaf 4.....

MBETANDOXX YO

- Wargal nuun: fat nu lay ndigil kam o mbeq (yoonandtin yirmande) too nu ndaamoox teen.
- Calel ke Roog: Supit wiin we

Ref oxaa na jalanaa Roog

“Kaa koy o jeg-yiif ole hatna na Roog, a guutatira fo oleene. O jeg-yiif olaaga kaa xool, a garta jam a ndeer no wiin we, a fod o mbi , a garta nanoor , a may yirmande fo a pi a paax . Naagee o samtaa itam, too jegee yememaar leng. Oxe bugna jam a baatoox, jam a duufaa a ndeer no lakas we, too a naaga o saxadaa o cofel’ (Saak 3: 17-18)

“We na sakaa jam a daaya, yaam xan Roog a xoy a den xa beem” (Mace 5: 9)

Duuf jam ne Biibal fee a bugtuuna

“G’s” 4 ke na tuuf jam ale ne Biibal fee a jangnituuna

1. Boxot a Roog o ndam onqe (1 Korint 10-31)

Laamtooxi: *Xar refu o bug ole Roog too o boxotin o ndam no ke na xewaa ?*

- Yaa nanoor a jegeerna, xar refu ke i mbarna o moy o mbi ?
- Kaa xottit took a gar a lanq “Fi’aa kene..... gaañaxamo “ kaa i yooB o deetaa farna fo tafil ndaa i yodkee a kid in .
- Kaa i mbeecit o and ole bafitna no saax o ñamaak a ret no saax o jannoon. Mam Roog a refu kam ñak o nanoor neene?

2. Fuur a toodook ale refna na ngid of (Mace 7: 3-5)

Laamtooxi: *“Nam waagum o feeñlit calel ke Yeesu na mi yaa um tipooxnaa ee xam bisiid jam kam ñak o nanoor neene?*

- Kam ñak o nanoor an i moyu o topatooxaa?
- A sobangaa sax ee fi’aa 2% kam 100% ke no ñak o nanoor ne? yaaga boog ten fogo too waagirot sutoox teen.
- Ñak o nanoor koy kaa yooB o riñaa in kam a simat a Roog. Yaam kaa i mbug lakas kaa refeerna Roog (pangool)
- Saak 4: 1-2: “Xar na bisiidaa a ñox ake fo ngasir ke a ndeer nuun? “
- Xar refu ke i mbaagna o njangit na Filip 4: 2-9 ndax i mbaag o and ne i mbarna o ngeenoot yaa mbaagradar mbaat ngasir a jegna?
- Mbeejilyo tooñ ke nuun too mbaasnoox.

3. Dalnatin kam o buub (Galat 6:1)

Laamtooxi: *“Nam waagum o dagooxit lakas we yaa um dimle’aa a den da and ne da mbarna o ngeenoot kam ngasir ke fo ñak o nanoor ne?”*

Mene refu me i lalteena ne Mace 18. A waageena o reefanit

**** O caf o eetand ole ne:** Yapatil njuumte teb ke (Xa Pedik axe 19:11)

**** O caf o dikandeer ole:** fat o xoot fo ten ndax nu ngenandoor too mbaasnoor .

Fat nu nga’ir fo o kiin oxe , a refangaa sax ee wo fa xoox of saqanino tig no xeeñ of (Mace 5: 23-24)
Reti too xasan o kiin oxe bakaadna yaa ta refna bakaad faa warandeena o yapatil (Galat 6:1)

**** O caf o dadkandeer ole:** fat o xoy wiin dik mbaat daduk.

O caf o nahkandeer ole: fat o layin mbokatax ne no gimu we (aa-adax we soom, xed o ndimle den)

O caf o betkandeer ole : fat nu deetin nen o kimeer

**** 90% no qasir ke a mbaaga o ngenantel no caf 1 fa 2 too xan o soxla o jaf 3 le.**

Muul luu refna kaa tekit mbaagradar .

Boo nu ndoonranna a muul 3, 4 mbaat 5 (njofooraadar),

Nu nga’atee o tew mbaat o kor nuun . Kaa nu nga’aa soom mbaagradar ne refna meen .

Kaa nu mbar o eetit o mbi pexey no ñak o nanoor ole refdna meen boo yut !



4. Ret xedandoor fo o pog of (Mace 5:24)

Laamitooxi: “Nam waagum o feeñlit a baasan ale Roog too fi ke waraxama ndax nqenandoor fo nanoor a njeg?”

- “Njoofoor refu waasan lakas we too wasanel itam”
- In ndefu we moyeena o mbaasan kam adna fee, yaaga boog fat i mbaasantaa itam.
- A baasan ale refree yeg-yeg mbaat beec; refree itam o yoon no paaxeer ke o ga’aa ta fi’eel.
- A baasan kaa ref: a kebax ale yoonna fo ne Roog a waasanitna a in – a kebax fañ o saqan o lakas tig yaam tooñ um (Kolos 3:13, Efes 4:32; A Kim A Tedu Ke 130: 3-4)
- Fañ o waasanit kaa ref nen posoñ faa l yeraa soo koy mboogaa ee xan o lakas oxe a xon.

A baasan kaa jeg a taar a dak ne ta fi’teel

1. Ke refna no xeeñ le: **A ndeer es fa Roog**

Keene kaa ref waasanit too Roog a tax. Kaa ref ndeer nuun fa Roog, too cungee a ticax ale no lakas oxe. Kaa ref kaa i nqeboxna na qeeñ in.

A seek aleene xan a dimle a nuun ndax nu saqankee o leng o njaaku kam yaam kaa nand nen nqal. Kaa tekitee yutaa ndax o waasanit too daay no njofoor ne jegatna yaa o lakas oxe a jabna o ricoox tooñ um.

2. O toq ole no mbece’oor ne: **A ndeer es fo oxe tooñaxama.**

Waag o waasanit naa taxaa oxe tooñoonga a waag o ricoox a pi um. O kiin o lakas oxe a weejlangaa tooñ um, waraa o lalit itam a basan ndax ta wokcoox too ngiboor ne fo nanoor ne a ndalnatinel.

Ndaa xar na xewkaa yaa oxe tooña a waasnooxeerna?

Ndax xan nu maad o mbug o mbaasan a den? Kaaga nanga o jegaa yaa a yuxum ake no xeeñ le a maafraa: Wiin we a mbaasnooka nga mbaat a ñakangaa o mbaasnook oo sax, i mbara o mbasaan a den too mbokit a den no tooñ ne. Ndaa koy naanoor ne (fo njofoor ne) xan a ref soo a dey sik yaa oxe tooña a jabna o waasnook too a ricoox.

Ndax a basaan ale xatna no xeeñ le ndigil oo?

Iyo kay. “Refree waasanit a qaaj a leng” mbaat “baasan a safkeeru”. Kaa dey sik na nuun. Yaam ne nu ndefaa kebil ne Kiristaa refna waasanit fo xeeñ of fop, xan nu ndoxodoox na toq nuun too a nqebax nuun a sadik.

Ke yuteerna refu njofooratin ne. Yaam a baasan ale kaa yoqaa na nuun, ndaa njofooratin ne kaa soxla’aa o lakas oxe a waasnook.

Xar “waasanaaxoong” a tektu no ndigil?

- Yoqkiim kam socoor nene.
- Bisiidkiim socoor nene axin andeer es fa wo.
- Laykiim teen tus fo wiin lakas we.
- Waaskiim muk kene maad o refaa a ndeer in, mbaat ta yaq ngiboor es fa wo..

Ke nu mbi'kaa 4: Ne ñaak o naanor a watniteel

Mbootyo fo o tew oxe nuun too nu njang laamit kene ndax nu nqaajir xa tontax axe fo o tew oxe nuun. Goor we fat a eetit soo rew we a sogkaa o tontoox.

1. Njilyo leng leng no ke refna ñaak o naanoor ke ndokna a ndeer nuun fo o tew nuun.
2. Nam o tew oxe mbaat o kor nuun a fi'aa yaa nu tooñuuna mbaat nu ngaañin no fa lay nuun?
3. Xar refu ke nu yegaa yaa nu tooñna mbaat nu ngaañ oxe nu ndefitna?
4. Ndax nu nanga o mbuga mbasnoox o tew oxe nuun mbaat o kor nuun ?

A taar a leng leng no ne o koor fo o teem mbaagna o njeetaaytaa:

1. Fat o fi boo waag o lay ne waritna.
2. Jang waxtu faa waroona o lay a soɓ xijiro, xeexel mbaat jeg yeg yeg kaa mayna no yiif of.
3. Baa o ref o paafañ. Oxe o dolnirtaa a waaga ñak o and ke xewna.
4. Baa o eetit yeg yeg ke, fat o fa lay of a njeg maa da ndoonooxna too layit rek no ke xewna.
5. Fat o jiriiñooraa xa d'elem "mi" ndaa mbaa o lay "wo".
 - a. Boo layoona _____, kaa jeg'u kaa d'omaxam yaam_____.
 - b. Yee fi'oona _____, kaa tax um yeg _____.
6. Fat nu nangiloora a ndeer nuun. Xalaati /layi no taɓ raɓ ke nannoona o tew of mbaat o kor of a layaa. (nof d'ik fo o don o leng)
7. Lalti o mbeq kam ndigil ne.

Fat nu muukit a nqed

Lesonj 6: Ke Roog a regitna kam ndolnir ne

O ga no lesonj ne

Daax le (ke ta laytaa)

a yoon ale kam o qoollel , baneex, jeg xa biy , fo o dfaay kam ndolnir ne.

A Pind a Tedu ke

No Mberaand naa 1:26 – 28; 2: 22 – 25; Xa Petit axe 5: 1-23, 7:6-27; 1 Korint 7: 1-5, 32-35

Ke na wideel na cangin ale

- O and
 - Biibal fee a juga o ga o mosu no ne a yoon ale a warna o xewit kam ndolnir ne.
 - Andiloox a paax ke Biibal fee a njangnitaa no kaa jofna no gore too damoox fo ke ñak o nannan a bisiidaa.
 - Andiloox ee a yoon ale kaa war o ref kam o nqoollel, baneex, jeg xa biy fo jam
- A pesoorof ake
 - Fat nu ngeek a ngoox nuun kam o tedel boo kam ndolnir ne (a bon ale).
 - Fat nu andiloox ee kaa nu mbar o yuf ceeq.
- Fat nu sadkandatin ngiboor ne refna a ndeer nuun ta yoon fo ngor.

Ndoorand ne

Kaa i mbug o layit o ndik no kaa yoobaandeena o layteel: a yoon ale. A yoon ale kaa jeg a qaaj a maak kam ndolnir ne. Ndaa koy, kaa i mbug o laytin a qoolu fo paax ke ndefna teen, too layit itam ke fañteena teen fop. A yoon alaa fi'taandeena me ta jegteena, faaxee, ndaa a fi'tangee kam ngiboor no koor fo o tew kaa refaa kaa mosna too a ted.

No aada mbaat cosaan mayu, lay sax no kaa farna na yoon ale kaa moytooxeel, nene, njeegee sax xa delem axaa mbaagna a laytin nen kaa faaxna too a jof. No lak nena layeel Chichewa too da ngen no saate faa Malawi, jegee o delem o mosu olaa jofna na yoon ale (ndeer o koor fo o tew). Xa delem axe na njiriñoreel moseero dara. Na den, o delem a yoon kaa nand fo njaalo. Kaa yoob o layaa rek “moofandoor” mbaat “mbondoox no njong leng ne”.

Ke nu mbi'kaa: Nqaajiryo ke nu andna teen

Yoon fo o koor o leng fo o teem, fat nu njeetaay no ke yooneerna fo o ga ole Roog no kaa farna na yoon ale (ndeer o koor fo o tew) kam coosaan ne nuun fo kam xeet nuun .

Fat nu layit no taɓ raɓ no ke yaqaa to a dikaa o bug ole Roog no keene, yoonteen fo fo we maadna a cangin ale.

Fat i deet a a Pind a tedu ke: No Mbeeraand naa 1: 26-28; 2: 22-25; 1 Korint 7: 1-5, 32-35

Xa saar axene kaa laytaa kaa jofna na yoon fo o tew kam ndolnir ne.

- An saku a yoon ale? An jeg'u o ga olene? Xar refu ke Roog a layna no sake le ten?
- Nam Roog a ga'tu a yoon ale kam ndolnir ne?
- Xar refu tig nahik ke taxna ndolnir a sakel too i laytin kam lesorj 1?

Ke taxna ta sakel kaa fadnooxaa itam kam a yoon ale yaa ta fi'teena kam ndolnir ne.

- O qoolel – o damax no xe i ndefitna, cooxtaa too jangaa, o mbeq mbaat a yaaw kaa ndef ne i laltitaa nitaal ne Roog kam adna fee.
 - Baneex – a yoon ale fo oxe reftoona kaa laltaa o bug ole, ci'it Roog a refu kam o mbeɗekax. Kene refu ke na ci'an doole:
Fat nu ndoyloor, mandoox, oxuu refna a niw o lakas oxe, fat nu buub, too nqolloor a ndeer nuun.
 - Jeg xa biy – a yoon ale kam ndolnir ne kaa ref fadnaa kebil ne Roog refna mayɗand lanq ke too fi'an a den lam.
 - Jam – a yoon ale kam ndolnir ne kaa ref fadin o saar ole Roog a cooxтина kam a sak ale a fi boo a yoon ale a jeg maa ta geɗnooxna, too a niwnoox – kaa dimle'aa goor we fo rew den, basil ke, xeet ke fo saate ke a ngen na jam (a qooland alaa refna took o joong) paax ke l mbaagna o nduuf kam adna fee.
- Xar i mbaru o mbi ndax i ndeefan ke fa lay fee Roog a jangnitaa?

Yoon fo o teef (wondoox fo ten) kaa nand ne no ke na nitteel o buufel.

Fat nu dfeet ceego kene) lay ke nu ŋoowaa teen kam ndolnir nuun :

- ___ O wod no cer ke
- ___ O wod no yiif le
- ___ O wod no ke o yeega
- ___ O wod no laaw ole



O Koor fo o Tew mbodu no ne da sakteena ndaa a njega nguutatir .

A. A yoon ale a waaga taak no ne o kiin oxe a nandna no cer um

- Coono
- Nqeex
- A yo'nax
- mbomeer
- Njer ne jageerna

B. Ke i nqalaataa a waaga o duq a yoon ale

- Yiif jaxasooxu
- A qalaat a mayu
- O nan o refree ndigil

C. O wod ole kaa feeñaa kam a yoon ale


- Ke hupna
- Fuux
- Yiif dalu fo jeejooxu
- Ne ga'toona a xoox of
- Kunpa ke

D. Ke refna a ndeer in fa Roog a waaga o feeñ na yoon ale


- Bakaad faa weejlandeenaa
- A yuxum ake no njer mbaat nitaal mbaaxeer
- Ŋak o wod yiif
- Saqan o lakas tiq

A yoon ale kam ndolnir ne a waaga o sadkandel yaa i andilooxna nguutatir ne refna ndeer o koor fo o tew

O KOOR		O TEW
A saxof ale no njer ne	A Pesooroot	Jeg qiboor Yiif le, njer ne fo o laaw ole
O ga olaa sipooxna no njer ne sadik , a pi	Yo'in njer ne	Oxe na widaa ke ta bugna soom Duq A pesoorot Xa delem
O niwel ole Soxla'el no doole um Ke mukit ne a laltaa	Soxla ke	O woor Ke o yeega a jega solo O woot ole fo o kor um
Yoob o jeg baneex Yoobee o naxel	A tontax kam a yoon ale	Yoobee o yeg a xoox um Yoobee o jaxasoox



O ga ole na adna fee ndax o maak na yoon ale



O ga ole na Biibal fee ndax o maak na yoon

A yoon ale reefna a dat kam ndolnir ne kaa gecnoox took

- Ñayandoor (waaxtaan, o buub, njeg waxtu faa nu mbootaa)
- A posax (gore, niw o lakas oxe, a baasan)
- Jeg a qebax (jeg ðaap, waag o fi tig, njalaandoora)
- Mbokatooraa, (nqedandooraa, njangaa a Biibal)

A betandax no lesorj ne

- Nam refu ne Roog a ga'taa a yoon ale ndeer o koor fo o tew?
- Xar refu ðaap ke Roog a doonna ndax ta lalgan ne a yoon ale a warna o fi'tel?
- Xar refu ke o damax fo o ñak o damax a rimaa kam ndolnir?

Andiloox o perj boo waag o jeepeetin – A kim ale na kim ake 6:3a geeki no yiif o saar o leeke (A kim ale na kim ake 6:3)

“Oxe buguuma bug jegaxam, soo um jegin ”

Ke simteena: calel 5 – wotaa fa Roog ndax o jang o ga ole ten

O kiin oo kiin fat a cooxit xa tontax no laamit ke too a xaajir a den fo lakas we.

Cinj kaaga, fat goor we a niir xa saar axe, fo “ke regteena no nqoolel ole “no rew den. Soo koy, rew we fat a niiran leng kut ke goor den mbaat xa pes den .

Muukityo a qef, njib'antin a kebax nuun na kiristaa fo a ndeer nuun.

Exercise 5: jeg waxtu kam teewaay ne Roog

Boo nu muukaa a cangin ale, baa nu mbi teen jeetaay leng mbaat nu nqaajir teen tig.

1. Yee nu ndokna no ndolnir, xar ref'u ke nu cungoogna na yoon ale nuun (a bondax ale) ? Xar nu nqalaatu teen? Xar nu ndiid'u teen? Xar nu mboog'u too jegee? Xar nu cungoogu teen too ñaayee?
2. Jafe-jafe kum o ga ole nuun a rimu ndiiki kam a yoon ale nuun?
3. Iyo mbaat ha'aa: ne o koor of mbaat o tew of a nandna kaa feeñaa yaa nu yoonaa. Layi no kaaga.
4. Iyo mbaat ha'aa: A juga kaa nu mbidaa no ndolnir no fo mbinj fo lakas. Layi teen.
5. Nu tontooxangaa ee "Iyo" no laamit 4, xar keene nu yufanoogna a rimu kam ndolnir nuun?
6. Andilooxi a paax ee oxe reftoona kaa ref ci'it naa xatna na Roog. A caf a bodnum ñagadilo mbaat o xas ci'it ne ten neene yaa nuu laytaa a yoon ale nuun?
7. Kam a nqef, weeji a Roog ke nu yegna fop fo ke domna a nuun a ndeer nuun fo oxe nu ndolnirtaa no kaa jofna na yoon ale (a bondax).
8. Kam a nqef ake nuun, fat nu nqefan oxe nu ndefitna fo a yoon ale nuun kam ndolnir ne.

Njegyo jeetaay fo tew oxe nuun no keene kam yirmande fo muñanir.

Fat nu nqaajir too njeetaay no ke nu nqalaatna / xa tontax nuun no laamit ke adooxna.

Fat o koor oxe a jang xa saar axe ndefna a lanq. Cinj kaaga, fat a niir ke Roog a regitna no qoolel a ndeer um fo o toog um/ o tew um . A cinj kaaga rew we fat a jang kee Roog a regitna. Boo da muukaa, fat a ngedandoor too a sadkand a tipax den na Kiristaa fo a ndeer den dik we na ndolniraa.

“Ke Roog a bugna kañ refu nu ted, too nu mbootoox ceeq. Keene kaa tekit ee oxuu refna na nuun a wara o jil o tew kam o tedel fo no ngor; a fañ a yaaw a pagkatar a sufoox took um; ne da ndalitna took gimafaru we andeerna a Roog. No keene, baa o leng na nuun a tooñ o pog um o kimu mbaat ta jab o teem, yaam i lay’aan, too mafooxin a nuun boo cut, xan o Yaal oxe a dalin hate no keene fop. Yaam Roog xoyee a in, i mbi’aa caasaay, ndaa ndax i ted. Yaaga boog, oxuu andoona koy ee kaa fañ bargal keene, refee yee o kiin a debu, ndaa Roog fee ci’na a nuun Yiif Tedu le ten.” 1 Tesalonik 4: 3-8

“cufyo ceeq! A juga pakaad lakas kaa ndefeerna no cer, ndaa oxuu rokna no njaloo, cer um saxsax a tooñu. Kaa nu andee yee cer nuun ndefu ngenand Yiif Tedu le, Roog a cooxna a nuun? Feek oxe na nuun koy, nu njegatee a qoox nuun. Yaam njigand maak nu mbatte. Yaago koy, fat Roog a waag o jegit o ndam no cer nuun. 1 Korint 6: 18-20

“Ten taxu mi itam oo, um jeemaa kili o jeg yiif dalu laa jegeerna banjel mbaambir Roog fo mbaamir no wiin we’ A Pi 24: 16

Ke regteena no nqoolel ole

- Kam o nanan kebil ke Roog, kam feednatinaa a tipax es kam o ñoow o xoolu too heboox ee xam moytoox ceeq.
- Yaam kaam fexong too niwong, mexey na xebooxaa o gore na wo boo kili.
- Kam bug o farloox ndax um lalong o bug es no fasonj olaa na taxkaa a yiif in a ndal mbaamir Roog fo a ndeer es fo oxe reftuuma

Lesonj 7 : Ndeer o koor fo o kend um

A betandax no lesonj ne

Daax le

nuun goor we, fat oxuu refna na nuun a fex o teem!

Ke Biibal fee a layna no waareef fee no faap fee

A Pind A Tedu ke

Efes 5: 21-33; 1 Piyeer 3:7; Efes 6: 1-4

Ke na wideel teen

- O and ole
 - Jang waareef ke no kor oxe kam ndolnir ne.
 - And a paax ne goor we a mbarna o mbugit rew den; and a paax solo fee o kor a jegna kam basil ne.
 - Jang leng-leng ke Biibal fee a layna too ta jof no ke na cungaa faap kam basil um.
 - And a paax ne pasil a gaynaakteel, wo fee refna faap.
- A pesoorof ake
 - Bug a paax o tew of;
 - Jeg a posax too dimle'aa a tew of fo basil of
 - Fex xa biy of ne Roog a fexitna a den
 - Topatooxaa xa biy of no ngiin den, no ke da yegaa, no yiif den, no wod fo baal den itam
- Andiloox ne waagoona o fi boo lal a teef o mbeq.
- Yar basil of kam o ngim onqe fo a cangin ale no Yaal oxe
- Fat we na adooxaa a ndef lalgan, ndax basil ne a njangit no ñoow ole na faap den.

A bet ale

Ke moyna o faax refu goor we fo rew we a nqaajoox na cangin alene refna lesonj 7. Kaa i laytoogu kaa jofna no mbokatoor mbaat ndef leng kam nqiiboore ne no ndolnir ne. Oxuu refna no we na ndolnireel a juga wareef ndax ndolnir ne a jof mbaamir no ndef leng, ndimle'ir ne too o leng xajooxkee fo o lakas oxe. Wargal ne no koor oxe refu ta fex o teem.

Ke i nga'na kam a Pind a tedu ke Efes 5: 21-33 (rew we: 22-23, 33 – 3 fo, goor we 24-33 – xa penj10)

- An o saar o leeke laytaa?
- Xar refu o njiriiñ onqe o penj 21 a jegna no goor we fo rew we too da mbarin o and?
- Rew we kaa mbar o njaban gor den ne da njabanitna o Yaal oxe, xar kene a tektu?
- Layi ne goor Kerceen we a simteena a ñjoowit kam nqiiboore fo rew den.
- Nam keene a waagu o guutatirit fo ne o mbaax onqe a ga'taa nqiiboore ne a ndeer goor we fo rew den?
- A sobangaa yee ndolnir ne kaa war o lalit com'antu ke no yegil mbaax ne na kid ake na adna fee, nam keene a waagu o suptit o ga ole nuun no ne nu mbarna o ñjoowit a tipax ake nu mbi'na no ndolnir nuun?

Ke a cagin ale a fofna

Yusufa Turaki, o koor oxaa genna Nigeria a laya no kaa jofna no ke mbindeena na Efees.ee “Goor we Afrik fo rew den a mbara o moy o mbaad kam kunpa ne Kiristaa feeñleena too ta ref lalgand no nqiboor den. Gimu we mbaree o yeewtaa no mbaax onqe ndax da ngeenin nqiboor den fo bargal den kam ndolnir den, ndaa a ndeefan lalgand ne Kiristaa. Kaa i mbar o moy o niw nqiboor ne jegna ndeer o koor oxe fo o teem nqupu ne i mbi'tooguuna yaa fo yaaga yaam ne i mbugna o ndef leng too njalandooraa kam nqiboor ne fokatna a in too o mbeq onqe fo niwir ne a waag o ñooweel teen”.

I nga'a boog tigil dadik kaa xa saar axe a laytaa, ta jof no bargal in a ndeer in fo rew in fo itam nqiboor ne no ndolnir ne. A dɔx ale no ngim onqe kam ndolnir ne waree o refat kaa doonooxna soom no ke o kiin oxe a refna, no waag um mbaat no sañ-sañ um, ndaa no “dagoox”.

1. Adoox nen o pad

In goor we ndefu we mbarna o adooxan ndolnir in fo pind ke in. Ndaa ba i mbeec muk ee Yeesu-Kirista refu o aa-adax o maak oxe in i mbarna o ndeef. Mark 10: 45 kaa wetandaa a in “Yaam o Penqe no kiin oxe kaa gar, refee yee ndax ta dagwel, ndaa ndax ta dagoox, soo a cooxit o ñis um nen su'nit no wiin mayu”

Goor we ndefu we mbarna o ngaynaak ndolnir ne kam o ngim onqe (Efes 5:23)

- Kaa i mbar o boxotoox too ndeefan a Kiristaa ten fee refna oxe na dɔxaa xa ñoow in (Lik 9:23)
- Kaa i mbar o nannan fa lay fee Roog (Sañ 16:24, 1 Sañ 5:3)
- I mbara o motand bargal in nen goor kam ndolnir in.
 - A adax refee nootaa o tew oxe.
 - Xan i layoor fa Roog no ne i dɔxtaa mbind ne (ndolnir ne)
 - Refiro o maad, mbaat a salma koor, mbaat oxaa na fi'aa kuu feluuna .
- I mbara o and ee i moyee njeg o njiriiñ rew we in, ndaa in mbodu mbaamir Roog (Galat 3:28)
- I mbara o niw ndef leng ne fo o ndimle nqe Roog a ci'na a in a reefandin no rew we in.
(No Mbeeraand Naa 2: 18)

Nen Yeesu, fat I ndef aa adax waa na ndagooxaa too a ndef lalgand , waa naangeerna a mbaadfaa ke faaxna na qoox den soom too a njab o boxotoox yaam lakas we , too ndagoox rew in fo basil in .

2. Fat nu njab o njang

- Andiloox a paax ee o tew a guutatira fo o koor. Xar refu nguutatir ne?
- Xar refu leng kut ke da soxla'na den fop ? (ref no woor, o mbeq, ñjoowir, o yaadax and ee a njega o njiriiñ)
- Xar refu wargal no rew we? (o tiidimle , yar xa biy axe, sad'akin , cooxtoox no calel ke no Yaal oxe yoon teen fo rew lakas , motand o kor um)

3. Fexit nen o Muumucil oxe

- Fex boo cooxit a xoox of , o perj 25
 - O koor oxe fexna o teem kaa cooxtaa a xoox um. Kaa i cooxit a qoox in ne Yeesu a fi'tuuna yaam in.
 - O bug oleene kaa laamit a tipax fo ngor no tew es.
 - O bug oleene kaa laamit itam um geenoox o tew es yaa ta jegna soxla.
 - O bug oleene kaa yoon fo nu mbaxtaanaa , fo a qorax no fop ke xaalna o tew es too a ref soxla um.

- O mbeq (o bug) onqaa na boxotooxaa yaam lakas we penj 26-27
 - Kene refu wargal in no ngim onqe no rew in.
 - Ndamyo kene nen kebil na inoorna na Yeesu a jof na jangu fee ten. Roog a xoolanda a in na pexey fa lay um. Ke ta rimkaa refu i nand fa Kiristaa too na bes fa leng i mbaag o njasnoor fo ten nen o kulook too may fo o ndam.
 - Neene boog a muc ale fo o tedel ole no tew oxe mi kaa gecnoox no calel ke Yeesu soom. O kor oxe bugna o teem xan a xoox o saar um no tedel ole.
 - O kor a nangangaa o jangnaa o teem kaa jofna no ndolnir, kaa dimle'an ta jofand o ñoow um. Keene xan a jeg yaa nu njangandooraa fa lay fee Roog, nqedandooraa too cooxtiraa xa as xa paax.
- O bug (mbeq) o deyu sik penj ke 28-33
 - Nam i mbextu cer kee in? Kaa i ñoownaa too topatooxaa cer ke in . I mbaaga o lay sax ee kaa i ñoownaa cer ke in , saytooxaa a den too topatooxaa a den a paax .
 - Neene deng I mbaru o mbexit rew we in. Cooxtaa ñoowir, aaraa a den too njeg o mbeq o magnu na den.
 - Boo i mbi'aa kene, refee ee rew we in soom i topatooxaa ndaa ndolnir in sax .
 - Keene taxu Pool a xooyan kunpa fa ngoodu. Boo o koor fo o teem a nqiiboorna, kaa ndefataa njer leng. Too ndef leng neene kam ndolnir kaa ref misaal no nqiiboor ne njegna a ndeer Yeesu fa jangu fee ten refna o kulook oxe.

Mbokatoor too njal: laamit fo xa tontax

Xar refu laamit ke nu mbugna o laamit o caajangin oxe ta njof no wargal no kor oxe ndax ndef leng a jeg kam ndolnir ne?

Ke i nga'na kam a Pind a Tedu ke: 1 Piyeer 3: 1-7

- An o saar ole a laytaa?
- Xar refu a pi ale i mbaagna o nga boo i deetna kam 1 Piyeer 2?
- Xar o saar olene a layu no rew we? Xar kene a tektu?
- Xar refu xa toq axe Pool a moyna o laytaa kam xa penj axeeke? Xar refu ke o kor oxe a warna o fi?
- Nam i mbaru o mbi ndax i mbadin kaaga kam xa ñoow in xaye?

Ke a cangin ale o fofna.

- Boo i deetna kam a Pind a Tedu ke, xar refu wargal ne moyna o magin no koor oxe a ndeer um fo o teem kam ndolnir ne?
- Xar refu pexey lakas ke o koor oxe a warna o fi ndax ndef leng ne a ñoowel kam ndolnir ne?

Nam pastoor ke a safakintaa tolnir ke den?

1. Sak qiboor kaa saxna no Yegil Mbaax ne.
 - a. Ndax ndonir nuun a naanga o laltaa a yoon ale / ndef leng ne Kiristaa fo o Kulook oxe ten? (Efes 5:32)
 - b. ĩjoowaanaa o ndam Roog (1 Korint 10:31).
 - c. Sax na Kiristaa (Sanj 15:1-8, Galat 2:20)
 - d. Dagoox too lalit o mbeq (Efes 5:25-33, Sanj 13)
2. Koor we, fat nu ĩjoowďand rew nuun no ngim onqe.
 - a. Fat o fex o tew of (dey o xoolooxel, yelefand o toq ale ten, nangilooxan, xedďandooraa fo ten, naangi o eetaa soxla ke ten)
 - b. Fat o ĩjoowďand o tew of (ref oxe na jangtaa no ten, dimle'in ta maak no cit ke ten too a fadin ke ta yuuďna, lalin o mbeq of) (1 Piyeer 3:7)
 - c. A ďoxel fo njambaar (no calir ke ta soxla'na, jiriiĩjooraa halal ke fo o jeg yiif, ta ref no yaadax fo no woor)
(1 Korint 11:3, 1 Timote 5:8)
3. Ngoorgoorloox no ne nu mbarna o njeetaaytaa (Efes 4:25-32)
4. Ngeďnoox no neewandax, a baasan, o mbeq (Kolos3:12-17, Filip 2:1-5)

Xan i suur koy no ke a Pind a Tedu Ke a layna no ke jofna no ref faap fa mbaax. Keene kaa jeg solo yaam a cinj nqiboor ne no ndolnir ne, keene refu wargal fee hupna kam basil ne, Ref faap yoobee. O kiin oxe waage o ĩoowit ne feluuna yaa ta fokkateerna a Roog teen. Too ke moyna o ďom refu kene, taa kam um, faap fuu refna a anda ee kaa fi'aa xa ĩnaas kam xa ĩoow axe no xa beem. Kam lesorj nene, xan i lalit ne paap ke a mbaaguna o mbi'it fo o jeg yiif, no pexey den.

Pi'el: Jeetaay

Fi'i jeetaay too layit ke aa-adax we mbi'na o ďaay ole hupna yaa da topatooxaa basil den fo kam cangu den fo saate ke den.

- Xar refu ke moyna o fel a nuun no ke nu ndefna faap? (no wod fo baal, fo no waag)
- Xar nu nga'u teen nen maafir ne moyna o magin ? (no jafe-jafe fo no waag)
- Xar nu mbaagu o lay ee den ndefu laamit ke pastoor ke o moyna o laamtooxaa too a duq paap ke kam cangu ke fo kam saate ke?

Ke i nga'na kam a Pind a Tedu ke: Efes 6: 1-4

- An xa perj axe a laytaa? Aniin taxu da mbať?
- Xar refu ke da simeena? Xar faap ke a mbaru o mb'i?
- Xar taxu boog i mboog ee paap ke soom a laytaa too yaay ke mbogee teen ?
- Xar laye no paap ke? Ndax nu mbooga ee paap ke a soxla'a a cangin no kaa njofna no ne basil ne a gaynaakteel?
- Ndax soxla neene a jega no saate ke in xaye? Cooxti teen samandaal.
- Nam i mbaagu o ndeefit a cangin aleeke xatna na Pind a Tedu Ke xaye?

Roog kaa coox wareef a faap fuu refna ndax ta coox xa beem a cangin a sadku no ñoow den fop.

- Kaa i ndaaw xa biy axe in nen ci'it no Yaal oxe.
- Kaa i mbapaa xa biy in ndax daap ne Roog a fadnoox kam xa ñoow den.
- Kaa i mbar o boxotoox yam o mbeq onqe i njegna no xa biy in.
 - Lalit ee in wey topatooxaa a den.
 - Fat i njeg nqiboora fa den.
 - Yaa i doxaa a den, fat i ndef lalgand na den na pexey ciko paax, ñoowtaa ne fa lay fee Roog a bugtuuna, yar too njangin a den. .

Ke waareena o fi: Xaajrel ke ñoowoona.

(Ke moyna refu nu nqajoor no mal neewu mayu – nu njegangaa o daaw – fat nu nqajiir fo mal na moyna o magin.

Nqaajiryo a betandax no kiin alaa fi'na a suptax a paax no ñoow of too a tax o maak no ngim of. Xar refu ke ga'ona a cinj ye refoona faap? Xar refu ke waagoona o fer ndax o fi a suptax kam xa ñoow axe no xa beef? Fat nu njeetaay teen.

Ke lesong ne a fofna

- Xar i mbaagu o mbi boo i mbuuxnoorka xa biy in?
- Nan i mbaagu o yarit a den kam a cangin ale no Yaal oxe?

And o saar ole too waagin o jeepeet Kolos 3:19

“Nuun goor we, fat oxuu refna na nuun a fex o teem, too a fañ o ñaatlandin”.

And o saar too waagin o jeepeet Malaki 4:6

“Too xam nomtiid a qeeñ ake no paap ke farna xa biy den, fo a qeeñ ake no xa biy axe farna fo paap ke, yaam ndik um xaw saate fee”

Ke simteena: Pi'el 6 ndeer o koor fo o kend um

Fat oxuu refna a cooxit xa tontax um too cinj kaaga, nu nqaajir xa tontax axe a ndeer nuun.

Fat nu muukit waxtu fee fo a qef too sadkandatin a tipax nuun na Kiristaa, fo oxuu refna no basil um.

Pi'el 6: Ndeer o koor fo ngendum

Took no ke i njeetaayitna, fat nu liib ke layeena a lanq yaa nu mbidtan a piis no a lim 1(tekita ee yu yoonee teen boo 5 (yoonaa teen a paax)

Yooniro teen  yoonaa teen

Fi'im ke waraxama nen a faap fo o kor	1	2	3	4	5
A pesoorof es na adax es a taxa boo o tew oxe mi a nannan a Roog	1	2	3	4	5
A pesoorof na adax es a taxa boo o tew oxe mi a and ee feexaanum too nangilooxan	1	2	3	4	5
Kam a adax es koy, nangaam o fi'a ndax lakas we a bisiid a qalaat den.	1	2	3	4	5
Kaa um muñanaa too niw o tew es.	1	2	3	4	5
Kam Lalaa o tew oxe mi o mbeq na pexey a pi es	1	2	3	4	5
Kaa um lalaa o mbeq a refangaa sax ee fi'anandeem o ten	1	2	3	4	5
Andaam ke o tew oxe mi a soxla'na	1	2	3	4	5
Kam niw o tew es no wargal um nen o tew es fo yaay na xa biy es	1	2	3	4	5
Nangaam o ñoowa fo o tew es kam o niw too nangilooxan, yegin	1	2	3	4	5
Mexe maaka kam o ngim onqe	1	2	3	4	5
O tew oxe mi a anda ee ten refu soxla es ne adooxna	1	2	3	4	5
Kam feraa a cangin fo a dox no ngim onqe fo xa biy es	1	2	3	4	5
Nangaam o jangnaa basil es ndax ta jeg jiko naa felna a Roog	1	2	3	4	5
Andaam soxla ke no oxuu refna no xa biy es	1	2	3	4	5
Xa biy es kaa nga'aa um boxotooxan a yaay den no soxla ke ten .	1	2	3	4	5
Nangaam o jegaa fa den waxtu faa i njangaa fa Lay fee Roog, ndax um waag o yar basil es a paax	1	2	3	4	5

Andilooxi a refangaa sax ee no tig leng kaa buguuna o maak nen o kor fo faap.

Boo i ndooraa a cangin ale na garaa, fat o moof fo o tew of too xaajir fo ten ke jangtoona no lesor neeke.

A cang 7: Ndeer o tew fo o kend um

O ga no lesong ne

Daax le

Nuun rew we, niwyo gor we nuun!

A Pind a Tedu Ke

Efes 5:21-33; 1 Piyeer 3:1-7

Ke na wideel na cangin ale

- O and ole
 - And wargal no tew kam ndolnir.
 - Andiloox a paax ne rew a mbaagna o mbi ndax da niw gor den.
 - Ndax o and ne wareef ne no yaay ke a jegitna o njiriñ kam basil ne.
 - Ndax nu njang ke Biibal fee a layna no wargal fee yaay a jegna kam ndolnir.
- A pesoorof
 - Ndax o bug o dimle o kor of fo basil of.
 - Ndax o niw o kor of a paax.
 - Ndax o fex too topatoox basil of too lalit o mbeq onqe Roog a jegna na den.
 - Jeg o liir no maak ne no basil of fo a topatax ale no xa biy axe wo, no ngiin den, no ke da yegaa, fo we da ngenitna, fo itam no ngim den.
- Andiloox ke da mbarna o mbi ndax da niw gor den.
- Ndax da yar xa biy den kam o jeg yiif ole fo o ngim na Roog
- Ndef lalgand yaa da doxaa, ndax xa biy axe a mbaag o njangit no ñoow no yaay den.

Ndooran ne

Ke moyna refu ee rew we fo goor we a nqaajoor no lesong 7 nene. Kaa i laytoogu no ndef leng fo nqiboor kam ndolnir ne .Oxuu refna no kor oxe fo tew oxe kaa jeg wargal ndax ndolnir ne a jof mbaamir no ndef leng/ ndimle'ir too nqaajoor fo sayoox a sibel . Wargal ne no tew oxe refu ta niw o kor um.

Ke refna na Pind a Tedu Ke: Efees 5: 21 – 33 (rew we: 22-23, 33 – 3 fo , goor we 24-33 – xa penj 10)

- An o saar ole a laytaa?
- Xar refu o njiriñ onqe no penj 21 too rew we fo goor we a mbarin o and?
- Xar jaban goor we ne ta refitna no Yaal oxe a tektu?
- Layi ne goor Kerceen we a simteena o ñoow kam nqiboor ne fo rew den.
- Xar waagu ref nguutatif ne waagna jeg no ne cosaan fee a ga'taa nqiboor ne a ndeer goor we fo rew den?
- Yaam ne ndonir kerceen a warna o lalit com'antu ke no yegil mbaax ne na kiid ake na adna fee, nan keene a a waagu suptit o ga of no ne waroona o ñoowit a tipax ake no ndolnir of?

Ke a cangin ale a fofna

“Yusufa Turaki, o koor o kenn’u Nigeria a laya no kaa jofna no ke mbindeena na Efes. “Goor we Afrik koy a mbara o deetloox a paax kam kunpa ne Yeesu lalna in ndax ta ref lalgan kam nqiboora ne den. Gimu we mbaree o yufginooxaa o mbaax onqe mbaat cosaan ne ndax da mbadin bargal den kam basil ne fo ndolnir den, ndaa da ndeefan lalgan ne Kiristaa. Kaa i mbar o niw a paax o kor in mbaat o tew in ndiiki ee yaa fo yaaga , yaam kaa i njalandooraa ndax nqiboora ne a yoonit o mbeq fo niwir”.

I nga’a tigil nahik kaa layteena kam xa perj axene too ta jof no bargal in a ndeer in fo gor in fo nqiboora ne no ndolnir in .

1. Ñoowit nen o biy Roog

Nam o tew a waagu o refit o toodolax fo yaay ne Roog a bugtuuna?

- Ñoowit ne Roog a bugtuuna.
 - Maak no nqiboora of fa Roog. Xar kene a nandtu?
 - Fat o niw too dimle’aa o kor of no dikandeer ke.
 - Jangni too yar xa biy of no toq o dadkandeer ole.

2. Fat nu njab o njangnel.

- Andiloox nguutatur ne jegna ndeer o koor fo o tew. No xar gor we in a nguutaturu fa in?
- Xar refu leng kut ke goor we a soxla’na?
- Xar refu wargal ne no goor we?
- Nam nu mbaagu o ndimle’it no kaaga?

3. O mbeq o yoonu fo nannan (Efes 5:22-24, 33; 1 Piyeer 3: 1-6)

- O mbeq fo o yarax – 5:22, 24, 33; 1 Piyeer 3:1
 - Xar taxu i mbar o nannan gor in? Xar taxu ta jeg o njiriiñ ?
 - Xar taxu niw o kor of a jeg o njiriiñ meeke?
- Fex o teef 1 Piyeer 3:3
 - Ndax kaa o saar oleeke yoonnee fo a cangin ale? (xa’aa!)
 - Nam i mbaagu o mosandit ngiin kam ne in”?
 - Xar taxu kene a jeg solo? (Xebandoox ndax o kor of a moyong o bug?)
- Lalit o bug of yaa o fadnaa wargal of – 1 Piyeer 3: 4 – 6)
 - Xar refu a cangin ale kam xa perj axene?
 - Nam i mbagu o ndefit xa biy xa tew Saara?

4. Fat nu ndimele'raa (Efes 5: 22-24,33)

- Xar taxu nu mbar o nanan o kor nuun? (O per 23)
- Xar "Yeesu refu xoox le no jangu fee" a tektu? Ndax o ten na maadooxaa na in? mbaat ndax o ten na doxaa a in?
- Yeesu kaa ref o "doodox oxe na dagooxaa" kam jangu fee. O ten xoyu a in ndax i ndeefanin yaam kaa i mbexin too nqolooxin.
- I mbara o njeg a pesoorof alaa lalitna yee i mbexa too i niwa gor we in.
- Nannan, too niw kaa ref na pesoorof, na fa lay, fo na pi.
 - A pesoorof
 - Niw o kor of too fañ o cung teen tig – O kor nuun ka ref ci'it Roog.
 - Nannan – niw sañ-sañ ne no kor of too jabanin kam mbin ne fo mbaamir basil ne.
 - Xa delem
 - O ngidim – yaam ne Roog a cooxaa basil ne ñoowir.
 - A qef, a simat – Layi o kor of ee koo jeg o daay no ten, yaam kaa jilaa paax too a moytoox paaxeer.
 - Fat o tiim – Baa nu banj muk o kor nuun yaa nu ndefna mbaamir no wiin we.
 - A pi
 - Nangilooxi a paax – fapi o kor of ndax ta xaajraa fa wo a betandax (seede) ale no ñoow um fa wo.
 - Andiloox ngiin ngoor ne ten – njabyo a yoon ale yuu andoona ee a soxla'aan.

"No tew, nannan o kor of refu ke Roog a cungtan ndax ta niwin too a ñaaca'a no sañ-sañ fee no kor um too a dimle'tin no ke ta dawlina na Roog. Neene deng o tew a waru o fi ndax ta niw sañ- sañ no kor um too a jab ee Roog fi'un o aa adax. A pesoorof oo yaa i layaa ee: kam jeg o daay na wo yaam ne o topatooxaa basil ne in . Kam daayaa yaa o fadnaa wargal of too doxtaa o mbeq. Naangiim o maakaa kam nqiboor ne yaa o fañaa o fi wareef of too waraam o fi boo fop a ñaac kam basil ne" -- Sañ Piyeer

Nannan tektee koy ee:

- Nuun moyu neew, mbaat nu ñak ke nu andidteel.
- Kaa nu nut a kid nuun, mbi'a fop ke nu layeena, soo ñaatlandeel no yiif fo no ke nu yegaa.
- Nu ndeefan o kor nuun yaa ta bakaadaa.

Ke mal (mbokatax) ne a warna o fi : laamit fo xa tontax.

Ndax nu njega kaa nu laamitna o caajangin oxe no kaa jofna na cangin ale no rew we, no wargal den fo ndef leng ne kam ndolnir ne?

Ke a cangin ale a fofna

- kam a Pind A Tedu ke, xar refu wargal no tew ne moyna o magin a ndeer um fo o kor um kam ndolnir ne?
- Xa refu pexey lakas ke nu mbaagna o mbi nen o tew ndax ndolnir nuun a sadik kam ndef lend ne.

Parenting

Xan i suur ndiiki no ke Biibal fee a layna no ke jofna na yaay fa mbaax. Keene kaa jeg o njiriin yaam o leng moyee o mat basil ne a yaay fee too a waag a supit o njaac. Keene kaa ref wareef too oxuu refna yaay mbaat ta ga oxe na jalaa , a andaa ee jegee calel kaa moyuuna o dom . O ten na jawaa, a dapaa, a xenandaa fop, a joytaa. No kuu refna no mbind ne, o bay um oxaa taaga fo a kid um, fo a qalaat um sax. Nam a fi'taa keene? Kam lesorj nene, xan i nga pexey ke na sadkandaa mbind / ndolnir.

Pi'el: Njeetaay

Mbi'yo jeetaay a ndeer rew gimu we too nga ke moyna o layteel no topatoox basil kam cangu ke fo saate ke.

- Ke jofna no wod fo baal fo o waag.
- Jafe jafe fo o neew doole.
- Jafe-jafe ke da nqettaa kam calel ke
- Xar nu mbaagu o lay ee ten refu ke moyna o layteel no yaay ke kam jangu fee fo saate fee?

Ke i nga'na kam Pind a Tedu Ke: 2 Timote 1: 1-7

- An bindu kene? An ta mbindun? An oxaaga a refu? (Pool bindun a Timote, o aa-adax oxaa refna o ndebandoong too a fog no leng-leng we Yiif Tedu a bindnoorna Nqaariit Nqas Ne.
- Xar refu ke Pool a layna a Timote meeke? Ngiboor num jeg'u a ndeer den?
- Xar tax'u Pool a mbind a Timote ndax ta fapin? (Kaa jofna no ngim onqe Timote ...)
- Ndax i njega soxla nandu neeke kam basil ke in?
- Xar i njangu meeke ta jof no ke Timote a laamitna no ngim um?
- Xar kene a tektu na in? Cooxityo samandaal.
- Xar i mbaru o mbi ndax i sadkand lam mbaaxu nene kam basil nee in?

Yaay fa mbaax kaa jangnaa too a jombtaa basil um fo o mbeq.

- (Xa Petit axe 31:26) Yaay fa baax a nanga laya fo xa beem kaa jofna na Roog ndax ta and Biibal fee (Xa Petit axe 31:25)
- A nanga xaajraa fo basil ne ciko fo ke hupna o njiriiñ.
- A nangaa dolwaa a tolax a paax, too a and ee basil ne kaa deetaa no ten.
- A nangaa jangnaa a cangin a paax, a yaraa too a jombtaa (Xa Petit axe 1:8)
- Xaykee muk mbind ne ten fi' o njaac onqe ta ref soxla ke soom (Xa Petit axe 29: 15,17)
- A nangaa o dɔxaa basil ne ten ndax da andiloox we da ndefna fo o njiriiñ den mbaamir Roog.
- A nangaa dɔxaa basil um kam jiko fa mbaax.
- A naanga a jangnaa basil ne ten da njeg qaritoor paax.
 - Niw too nannan riirim we.
 - Nannan we na maadooxaa.
 - Waadfaa ke faaxna no lakas we.
 - May fo o paaxel fo yirmande.

Pi'el: xaajrel a betandax ale no ñoow of

(Ke nu mbarna o mbi no mal ne nuun refu mbokatoor kam mal leng leng – o daaw ole jegangaa – too nqaajir fo wiin lakas no mal naa moyna o yaaj.

Fat nu nqaajir a betandax a leng leng no rew waa ndefna lalgand mbaax na xa ñoow nuun too maak no ngim nuun . Xar nu njangu no waareef no yaay? Xar refu ke nu mbaagna o mbi ndax nu supit xa ñoow axe no basil nuun? Fat nu njeetaay teen.

And o penj ole too waagin o jeepeet. Kolos 3:18

“Nuun rew we, fat oxuu refna na nuun a jaban o kor um, ne ta waritna no Yaal oxe.

And o penj ole too waagin o jeepeet: Xa Petit axe 22: 6

“Merandi o njaac onqe a dat ale ta warna o reef, too a maakangaa, dapkatiran”

Ke wareena o fi: Pi'el 6 ndeer o tew fo ngend um

Fat oxuu refna na nuun a fi'an a xoox um xa tontax no laamit ke too nu nqaajir a ndeer nuun xa tontax axe. Fat nu muukit a qet too njib'antin a qebax nuun na Kiristaa, a ndeer nuun fo basil nuun .

Pi'el 6: Ndeer o tew fo o gend um

Took no ke i njeetaaytina boo yut, fat nu liib ke layeena a lanq, mbid fo a piis a lim ake 1 a jof 5.
(1=yooniin teen) (5=yoonnaam teen a paax)

ñak o yoon teen → yoon teen

No ndigl fi'iim ke waraxam nen a tew fa yaay kam basil ne mi	1	2	3	4	5
A pesoorof es a ndeer es fo o kor es a lalta ee niwaanun	1	2	3	4	5
A pesoorof es a ndeer es fo o kor es a lalta ee naangaam o dimle'an	1	2	3	4	5
A pesoorof es a ndeer es fo o kor es a lalta ee feexaanum	1	2	3	4	5
A pesoorof es a ndeer es fo o kor es a lalta ee kam doyllox too yaakaar na Roog	1	2	3	4	5
O kor es a anda ee bugaanum a paax	1	2	3	4	5
Kam jeg a kebax no nannan o kor es ndax ta dox basil ne in	1	2	3	4	5
O kor es a anda ee fokatinum fo dara, ten refu soxla eetand es	1	2	3	4	5
Kam lalaa o kor es o mbeq fo o nanan mbaamir basil nee in	1	2	3	4	5
Ke a Pind a Tedu Ke layna hupu solo ke i mbugna no ñoow in	1	2	3	4	5
Fo o waag es fop, kam jegaa waxtu fo basil es, ñoownaa too yaraa a den	1	2	3	4	5
Mbind es (Basil nee mi , a tolax es) refu soxla es ne hupna o njiriiñ .	1	2	3	4	5
Kaa um mofaa fo yaay lakas ke na ndeefa yar fee na Biibal fee soo i nqaajooraa a Pind a Tedu Ke ndax oxu refna a damit o kend um	1	2	3	4	5
Kaa um nadtaa ciko ke no basil es ndax da saq ciko ke buguuma	1	2	3	4	5
Andaam soxla ke no oxuu refna no xa biy axe mi.	1	2	3	4	5

Fat o andiloox a refangaa no tig leng sax no kaa bugoona o maak nen o tew fo yaay.

Boo i njomko suuraa no lesorj lakas, xaajri fo o kor of, leng leng no ke jangoona no lesorj neeke.

Ke lesɔŋ ne a fofna

Waagaa o jalandoor fo oxe o dolnirtaa no laamit ke na betandax ale no lesɔŋ ne too neene xan o jeg o woob ndax o xaajir fo wiin lakas xa tontax of no laamit ke.

Xar refu tig nahik ke Roog a d̄aapna no ndolnir ne kam No Mberaand naa 1+2?

- 1.
- 2.
- 3.
- 4.

Xar refu jafe jafe ke moyna o magin /ke na tolofnooraa ndolnir ne?

Xar refu a tipax a nahak ake na sadkandaa d̄aap ne Roog kam ndolnir ne (No Mberaand naa 2:18-25)?

- 1.
- 2.
- 3.
- 4.

Layi ke o baak ole no sooy tadiƙ a tektaa fo ne ta waagna o samandaaltel ndolnir kerceen naana ŋoowtaa ne Roog a bugtuuna .

Fat o gec'noox no samandaal 16 ke na laytaa o mbeq kam 1 Korint 13:4-8, layti xa pasɔŋ o mbeq too ta ŋaac' a paax kam ndolnir of too andilooxi itam xa qos xa d̄aq no mbeq axaa nu mbugna o maak too ngoorgoorloox.

Layti o njiriiŋ onqe refna no jeg nof dīk fo o don o leng too nam keene a waagu a jiriiŋoortel ndax jeetaal le a moy o ŋjaay kam ndolnir of .

Xar waago o fi ndax jeetaay nuun a moy o xoodŋ ndeer of fo o tew of (ke farna a lanq no nitaal ne) yaa o yaajraa fo ten a qalaat of, ke o yegaa, ke moyna xoodŋ no ke bugoona o fi/ ke o diidaa/ ciko of?

Xar refu ke jangtoona no lesorŋ nene no kaa na ŋufaa mbaagraɗar. Xar refu ke waroona o supt ndax o ref oxaana duufaa jam kam ndolnir of ?

Boo i ngeɗnooxna na Efes 5:21-33, xar refu a suptax ake nu mbi'kaa ndax ndolnir ne nuun a moy o yoon fo ne fa lay fee Roog a laltuuna too a moy o lalit yegil mbaax ne?

Fat o xaajir tig kaa jangtoona na cangin alene too o ga'in no tew of mbaat no kor of.

Layi no nqoolu ne a cangin alene a waagna o dimle'it we na sogaa ndok no mbugur too a mbug o ndolnirel fo itam waa njegna xa kiid xa mayu kam ndolnir den.

Fat nu muukit waxtu feene fo a qef, oxuu refna a gidim a Roog yaam o lakas oxe fo ndolnir ne , fop ke ta fi'na fo ke ta fi'kaa .

APPENDIX I – A qef no ndolnir nuun a inooru na Biibal fee, o kor of, o tew of fo basil of

A qef no ndolnir safku too a may fo o mbeq *(Par Riette Woods, Navpress.com)*

NGAYNAAK, AAR

O Yaal oxe Yeesu, koo bug ndolnir ne mi a ref no ŋoow o ŋis es fop. Gaynaakeen , aarin too sadakinin . Baa xac' bakaad fee , o paŋ oxe , ke na xewaa, coono ke mbaat wiin lakas da nqaaj ke fokatoona .
(Malaki 2:13-16 ; Mace 19:3-9)

NDEF LENG

Fokati a qeeŋ in kam ndef leng sadku . Jangni a in i mbaagna o muŋjanraa no ke i nguutatirna fo o mbeq fo o buuɓ. Dimle'i a in ndax i mbaag o mbelakinooxaa no cit ke fo o waag ole no lakas oxe too sadakinaa a den , ci'i a in doole na pexey Yiif le wo ndax i maaf o neew doole in fo pakaad ke in .
(Efes 5:31 ; Kolos 3:12 ; 1 Korint 12:4-27 ; Galat 5:16)

O MBEQ

Faap fee, fap i ŋoowaa kili fo lakas we kam o niwel o motu sik . Dimle'i in ndax i layaa ndigil ne fo o mbeq yaa i nqaajraa no ndigil, mbaamir no fop a qalaat in, ke i yegaa fo lakas we. Fi'i boo i mbaag o ndef wiin faax too may fo yirmande mbaamir no lakas we , yaa i mbaasanraa a ndeer in , ne waasantoona a in . Wokti a in no ciis ne , no nga'atinax, no magnandax , no waadaa ke faaxna na xoox of soom, fo ŋak o faale lakas oxe. Ci'i a in o mbeq onqe na aaraa mbeet-oo- mbeet , a jeg yaakaar, a jeg nqoolax kili too a sadik ŋaal-oo-ŋaal . Koo baa o mbeq onqe in no lakas we a neew doole boo muk. (Efes 4:15, 32 ; 1 Korint 13:4-8)

A YOON ALE NO NJER

Roog,fi'i boo oxuu refna a yaaw o lakas oxe. Ci'i a in ndax oxuu refna a xeexel o lakas oxe too i ndeyloor a ndeer in, too oxuu refna a d'aay no lakas oxe . Saytooxi ndolnir ne kam o tedel ole no kuu ta waagna o ref .
(A Kim ale na kim ake 7:10 ;Xa Pefit axe 5:15-19 ; Hebre 13:4 ; 1 Pierre 1:15-16).

NO FOP

Faap,woona wondandaa a qeeŋ ake ngaaŋooxna too wodand kaaŋax ke . Wodandi kaaŋax ke no kena yegeel too a mbaag o bisiid nannooraɗar kam ndolnir ne in. Fi'i boo soxla ke no lakas oxe a mbaag o nqaal a in too dimle'i a in i mbaag o ndamtiraa no me i njegna kaaŋ . O Yaal oxe, dimle'i in ndax i nqedanaa lakas we.
(A Kim a Tedu ke 147:3 ; Saak 5:16)

XOOT FA ROOG

Faap, ci'i a in i moy'ong o mat na pexey o mbeq o buuɓu nqe wo. Ci'i a in a nqeeŋ ndax i mbaadang too njalanang ŋaal nuu refna no ŋoow in. (Hoose 11:4 ; A Kim a tedu ke 24:4)

A SAYTAX ALE

Fa lay of kaa ref o lampa na caf in fo a nqoolaand na d'at in. Gaynaaki a in kam ndigil ne fop too jangni in i nannan fa lay of . Dimle'i in ndax i tabax o ŋoow in fo ndolnir in kam ndigil ne wo, ndax i mot too ŋak sik kam o bug ole wo na in . (A Kim a tedu ke 119:105, 25:5 ; Mace 7:24-25 ; Kolos 4:12)

Halal ke

Jookanjal , Faap , ne andoona ke i soxla'na boo i njomko ngedan . Kaa i ngec'noox na wo ndax i njeg kaa i d'axtaa soxla ke in . Jangni a in boo i ndef waa ndoxlooxna, no kuu i mbbagna o ndef too fi na in i ndef yeeyetax faax no ke doxnoona a in. Boo i njegna soxla no xaaliis , fokati a in kam o mbeq onqe fo njabanir ne.

(Mace 6:8, 25-33 ; Filip 4:11-13 ; 1 Timote 6:6-8 ; Lik 19"11-24)

WARGAL NO TIIRIM

O Yaal oxe, dimle'i in ndax i yar xa biy oxe in kam a cangin ale wo . Ci'i a in i mbog yiif yaa i yaraa, too jangni in ndax i mbi'in kam o cofel of, yirmande of, fo ndigil ne wo . Ci'i a in o jeg yiif no coxla ke den , too dimle'i in ndax d'ox fox a as xa paax. Fat i njangin xa biy axe in ndax da niw a in nen we ndimna a den ndax da nquud' too o ŋoow den a barke.

Efes 6:1-4 ; Xa Pefit axe 13:23 ; A Kim a tedu ke 89:14)

NGOR NE

Jookanjal, Faap , ne fodnoona barke ke wo kam ndolnir ne in. Yaasam ndolnir ne in a lalit ngor ne kolori ne wo , yaa i njeemaa o njeg nqiboora kaa na boxotkang o ndam.

(A Cangatin ale 7:9 ; Hebre 8:7-10 ; 1 Korint 10:31)

A QEƐ ALE NO KOR OXE

Faap ka ngore'u fee, dimle'aam ndax um jeg o mbeq _____ na boxotax , ne Kiristaa a fexitna Cangu fee boo a boxotoox yaam o ten. Yaasam refkatiim oxaa domna tig fo o teem, ndaa ndax um niwin too bugin a paax . Andilooxaam ee o tew es kaa motandaxam , yaaga boog dimle'aam ndax um andiloox soxla ke ten, geynoox no jeg yiif ole ten fo doole um , too lalit o buuɓ fo o neewandax nen o yoon es kam barke ke wo. Dimle'aam ndax ga'kiim ke faaxna na mi soom na waxtu fuu refna . (Efes 5:25-33 ; Kolos 3:19 ; 1 Korint 11:11 ; 1 Piyeer 3:7 ; Filip 2:3-4)

A QEƐ ALE NO TEW OXE

Faap, dimle'aam ndax um jaban o _____ ne ta refitna no Yaal oxe . Dimle'aam um waag o niwin too nannanin nen o aa adax , ne Kiristaa a refitna xoox le no jangu fee. Andilooxaam ee o kor es kaa motandaxam , neene boog, dimle'aam um nannan xa as axe no kor too yaakaar no ndimle um. Ci'aam yiif jeejooxeer too a dal , too jangnaam ndax um ref o tiidimle um ne waritna . Fi'i na mi o tew o paax oxe na refkaa o daay ole fo o ndam onqe no kor um ! (Efes 5:22-24, 33 ; 1 Korint 11:11 ; 1 Piyeer 3:1-6 ; No Mberaand naa 2:18 ;

Xa Pefit axe 12:4)

O nqool a nqef yaam o tew of , xottit no Kim a tedu ke 119

Goor we kaa mbar o mbex rew den "ne Kiristaa a fexitna Jangu fee boo a boxotoox yaam o ten ndax ta tedlandin , a xoolandin na pexey foofi fo fa lay" (5:25-26). A Kim a tedu le 119 kaa cooxtaa a cangin no xedan o tew of ŋaal nu refna na pexey bogid ne na fa lay um. Nqotyo o toq olu refna , mbid o perj ole too mbi'in a qef. Fat nu nqef no leng no nqool onquu refna. (Extrait du magazine PRAY ! numéro 33 par Bryce Bouchard)

1. Xan a jang fa lay fee Roog (119:7).
2. Ndax ta d'asin fa lay fee kam xeeŋ um ndax tooŋkee a Roog (119:11).
3. Ndax ta layit fa lay fee Roog mbaamir no lakas we (119:13).
4. Xan a dee'ooxaa fa lay fee too xan a jang a yuub ke Roog (119:15).
5. Xan a felakinox na fa lay fee Roog too yapatilkiran (119:16).
6. Ndax a kid um a mbektotox ndax ta ga barke ke ndefna kam fa lay fee Roog (119:18).
7. Ndax o laaw um a xeexel fa lay fee Roog na waxtu fuu refna (119:20).
8. Fa lay fee a ref o aa as um no kuu refna (119:24).
9. Yaa ta naqadilloxaa , fa lay of na refkaa o ŋoow um , doole um fo ke na daaynooran (119:25, 28, 143).
10. Ndax o Yaal oxe a ci'in o jeg yiif too andiloox ke fa Lay fee a jangnitaa (119:27).
11. Que Dieu soit miséricordieux envers elle et la garde des voies trompeuses par la Parole (119:29).
12. Ndax xeeŋ um a jofnoox na fa Lay fee Roog too a godatir fo waadfaa ke faaxna no xoox of fo ke jegeerna o njiriiŋ (119:36-37).
13. Yaa da ndamlooxaa no paax ke na fa lay fee , Roog a sut diid luu waagna ref a toq took um (119:39).
14. Ndax ta xooloox fa Lay fee, too a jiriiŋoorin ndax ta tontoox o paŋ oxe na fexenan (119:42).
15. Ndax fa lay fee sutkaand no don um (119:43).
16. Xan a waad fa fa Lay fee too xan a jegit no ten o jeg a xoox of no ŋoow um ŋaal oo ŋaal (119:45).
17. Xan a jeg o woob o cooxit fa Lay fee mbaamir wiin jegu saŋ-saŋ, xan a fi'in fo njambaar too sedkee teen dara (119:46).
18. Ndax o mbeq um fo ke ta diirooxaa na fa Lay fee a maak too a fel a Roog, a refat oxaa buubna too a ŋoowit ne Roog a bugtuuna ŋaal nuu refna (119:47, 72, 103, 131).
19. Ndax fa Lay fee a gar no ten kam baxtu a deetlax too a bisiidin yiif dalu (119:52, 61, 83).
20. Ta jeg naqad yaa fa Lay fee a reefaandeenaa (119:53, 136).
21. Fa Lay fee xan a ref a kim no ten , kuu waagna o xewaa kam o ŋoow um fo ke widuuna (119:54).
22. Xan a ref xaarit no we na ndeefanaa fa Lay fee Roog (119:63).
23. Xan a Yaal oxe a fi'anin paax ne ta laytuuna kam fa Lay um (119:65).
24. Xan a jang o and ole bon nqate mbaax ne na Lay fee (119:66).
25. Xan a dee'ooxaa no miŋu fa Lay fee , too xan a xottit teen a cangin a mayu (119:97, 99).
26. Ndax ta godatir fo a dat a paaxeer ake ndax ta nannan fa Lay fee (p119:101).
27. Ndax fa Lay fee a ref o lampa na caf um fo a qoolaand na dat um , a bisiidin o daay (119:105).
28. Ndax ta sadar fa Lay fee Roog (119:120).
29. O tedel ole na fa lay fee xan a feeŋ no ten , too xan a xoolandin too a andnoorin fop ke ta soxla'na (119:130).
30. Xan a gim ee fa Lay fee kaa jof too a dey o xoolooxel (119:138).
31. Ndax yaa ta mo'na , xan a waad fa Lay fee ndax ta nomtiidin na Roog (119:176).

A qef a cegu doole no kor of

(Par B.J. Reinhard, Navpress.com)

Leng no ke moyna o feexnoox too a hup o njiriiñ no ke o tew o waagna o fi'an o kor um fo ndolnir um refu a qef . A qef akeene kaa mbinandel o kor Kerceen ndaa ke hupna teen a mbaaga o ngedanel o kor o kimeer.

JAM

O Yaal oxe, ne o kor es a warna a faambnoor fo ñaal mayu fo deetlax , laleel o mbeq o magnu nqe wo. Raxi o njaaxdataand onqe . Yaasam jam fee a gen no xeeñ um . (1 Sañ 4:18 ; Kolos 3:15)

DOOLE

Jookanjal, o Yaal oxe , yaam ne refaa fo o kor es na toq ake ten. Wetandeen ee xan o damtin no cer um, no ke ta yegaa fo no laaw um. Ci'een doole na pexey teewaay of .

(A Kim tedu ke 68:19 ; Kolos 1:17 ; Yeremi 31:25)

JEGAA WAXTU FA ROOG

O Yaal oxe, wetandi _____ ee andaano a paax fo no gon um , too andnoorin ee a waagaang o boxot xeeñ um . Sam a ñaay um fa wo a ñak o ref no jeg yiif um . Ci'een ta andong too a faðooxoong yaam oxe refoona.

(A Kim a tedu ke 62:8, 139:1-4 ; Yeremi 9:24 ; Sañ 14:21)

WAAG O NANGILOOX YIIF TEDU LE

Yiif Tedu le, jookanjal ne refoona fo o kor es too feeñlin ndigil ne . Jangneen ta ñoowtaa no katil wo , o may fo teewaay of , a jeg tipax na wo too a ñoowtaa ne feloonga . Yaasam ta nangiloox fa lay of too a reefan a dāt .

(Sañ 16:13-14 ; Galat 5:16, 22-25 ; Esayi 30:21)

A TEKIT ALE

O Yaal oxe, lali a _____ ne ta jegtina o njiriiñ mbaamir of. Ta and o njiriiñ um kaa inooraa na wo . (Mace 6:26 ; Yeremi 29:11 ; Sofoni 3:17)

O NDAM

A felangaang damteen ne ta waritna . Dalni calel ke na ñay um too ci'in o ndam . Biseen farna fo me cit ket en a ndefna , o waag um fo ngiin um .

(Kolos 3:23 ; A Kim a tedu ke 90:17, 139:13-15)

HALAL KE

O Yaal oxe, ne o kor es a topatooxaa basil ne no soxla ne mi , dimle'een ndax ta jalanong too a fañ o adin xaaliis .

Damteen boo ta yaakaar no ñoowir ke o cooxtaa . (Mace 6:24 ; No Mberaand naa 22:14 ; Filip 4:19)

O SAKEL

Safkani _____ na pexey o ngim onqe fo o muñ ole kam coono ke na xettaa . Ci'een a woor ee woye fo ten too dāap paax ñor kam o ñoow um . (Efes 3:16-17 ; Kolos 1:11 ; Rom 8:28, 38-29)

NGAYNAAK NE NO LAAW OLE

O Yaal oxe, saytooxi o kor es no dfeetlax ke ta faambnoortikaa xaye , no kaa jofna no _____ (layi me a dfeetlax ake a inoorkaa). Jangneen ta gaynaak yiif um too a xac'loox na wo , too a fañ o pañ oxe na pexey o ngim onqe .

(1 Korint 10:13 ; Kolos 3:1-2 ; Saak 4:7 ; 1 Sañ 5:4-5)

O TEDEL NA YOON ALE

O Yaal oxe, saytaane kaa bug'u supit yeg yeg ke no kor es na yoon fo o tew fol kas kaa mosad'arna. Xureen ta foomnoor fa wo ndax ta jeg o woor too a jeg a xoox mbaamir ke yaawnnooxna, la pornografi, fo we na laltaa cer den fo a yoon a paaxeer ake. Ci'een ta jeg doylax na wo kam ndolnir ne.

(A Kim a tedu ke 90:14 ; Xa Pefit axe 5:15-20 ; Hebre 13:4)

WE NA NANGILOOXEEL

Jookanjal, o Kaynaak o Paax, ne o d'oxaa o kor es yaa ta xettaa fo wiin lakas too a d'oxaa a den , no mbind naa, no calel kaa, kam jangu in fo ngentan in . Ci'een ta waag o ref lalgan mbaax too a fex we ta adooxanna. (Esayi 40:11 ; A pi ake 20:28 ; Tiit 2:7-8)

NDOLNIR

O Yaal oxe, na pexey um soom, o kor es waagee o fadin o bug of no fexaam ne fextoona cangu ne. Yaam wo refu o mbeq onqe too wo na ñjoowaa no ten. Jangneen ne bugaxama o lalit o mbeq of reefanin no ten.

(Efes 5:25 ; 1 Sañ 4:8 ; 1 Korint 4:7)

KE REFNA NDIGIL

O Yaal oxe, ci'i o kor es njambaar o xaajraa fa mi a qalaat um fo a yeg yeg ke ten moyna o nqood' . Ci'aam yirmade o nangiloox too jab o xaajir fop fo ten.

(Xa Pefit axe 31:10-12 ; Rom 15:1-3)

O JEG OLE

Refi o jeg yiif ole no kor es kam dfeetlax ke i mbarna o mbaamnoorit nen riirim. Jangneen a pesoorof a paax fox a biy axe in too a fex aden ne fextoona a in.

(1 Korint 1:30 ; A Kim a tedu ke 103:8-14 ; Xa Pefit axe 3:12 ; Efes 6:4)

QARIIT KE

O Yaal oxe, ci'i o kor es qaariit waa ta waagna o xaajrit o d'aay um fo coono um, qaariit kaa na layaa fo ten fo ndigil too a mbetanan o mbeq of fo katil of. Laleen ne waagna refit xariit fa mbaax fa den.

(Xa Pefit 18:24, 27:6 ; O Baawaare xe 4:9-12)

A SAYTAX ALE NO NJER NE

Saytooxi o kor es fo no wod fo baal. Jangneen ta topatooxaa cer um too a wodandaa a cir ake ten.

(3 Sañ 2 ; A Kim a tedu 103:2-3)

A YAAW AKE NO ÑOOW OLE

Faap, lali o kor es o njiriñ onqe no ñjoow ole ten, boo kam no ke ñakna xoox. Sam ke Pool a layna , " Kiristaa refu o ñjoow es " , a ref kili ndigil no kor es . (Sañ 4:13-14, 6:35 ; Filip 1:21)

Fat nu ngedanaa basil ke nuun

(Par Sammy Tippit, Navpress.com)

Roog kaa fex basil ne nuun. Yaam kaa jeg d'aap no xuu refna no basil ne , nu mbaaga o nqoloox Yiif le ten ndax d'aap neene a fadnoox .Xac'a nu nga'kee xa tontax ndiiki na qef ake nuun , ndaa nu mbaaga o njeg o qoolax ee o Yaal oxe kaa gore . Fat nu njeg o muñ ngim na tegit ake ten too nqayin ta jal kam basil nuun.

A MUC ALE FO O TEDEL OLE

O Yaal oxe, koo fex o kiin oo kiin no basil es boo cooxit o beef o leng kut. Bugiro o laaw o leng a san'koox. Ndax _____ jaɓ a Yeesu Kiristaa nen o Yaal fo o Muumucil too a refat mbindel nqas na wo. (Sanj 3:16 ; Mace 18:14 ; 2 Korint 5:17)

Jookanjal, o Yaal oxe, ne dara a waageerna xaaj basil es fo o mbeq of . Kaa i mbug o ñoow o qoodel le no mbeq of fo katil ne na nqontax of , yaam kaa i mbexong fo a nqeeñ in fop, no laaw in fop fo no yiif in fop . (Rom 8:35, 37 ; Filip 3:10 ; Mace 22:37-40)

Faap , yaasam basil es a jeg o ngim na Yeesu onqaa na yodaa xa coong axe. Ndax i mbaag bis a qeeñ in farna na wo too mbaag o ñoow na Kiristaa, sax kam ndigil ne na fa Lay fee.
(A pi ake 16:31 ; Mark 11:23-24 ; Kolos 2:6-7 ; Rom 10:17)

Yeesu, kam xedaa ndax we mbogna no basil es fop a nan fa wo ñaal nu refna kam o ñoow den fop . Maydandi a in fo o d'aay ole wo , fo jam ndax i mbaag may fo yaakaar kam adna fee widna a in.
(Rom 8:29, 15:13)

JEG NQI'BOOR FO LAKAS WE

O Yaal oxe, kaa i mbug o nqaajoor fo fop ke na bisiidaa fuux, mbaagatir fo mbaagradar nuu waagna o xew. Yaasam basil ne a may fo yirmande, o paaxel, o neewandax, o buub fo o muñ. (Kolos 3:12-14)

Faap, leek-leek, kaa i d'omaa tig fo we i moyna o mbex. Ndax basil ne njaɓanir too a mbaasanraa a ndeer den ne waasantoona a in. Dimle'i in ndax i mboktoox no fuux luu refna, too fi'i boo xa ñoow in a ndef seede ne no mbeq of. (Kolos 3:13 ; Efes 4:31-32)

Roog, koo xoy a in ndax i ñoow no jam. Damti ain ndax mbaag o ted too ñak banjel na pi in fo lakas we mbogna no basil ne ndax adna fee a ga'ong a reefandin na in. (Hebre 12:14 ; Rom 12:18)

Koo sim a in i mbaas o maaɓ too layaa ndigil ne soom, yaam kaa i mbog in fop no njer leng. Kam basil es, i mbaag o ndef wiin jofu too mbañ o d'asraa, yaam ke yoqna fop no paaxeer oxe a inooru. (Efes 4:25 ; Mace 5:37)

O Yaal oxe, gaynaaki xa ton in. Wetandi a in ndax laytaa o niwel fo fop we mbogna no basil in . Yuu i mbugna o njamb o kiin no me ta xeesna, fat i eet o ndicoox too mbes pakaad in . Fat i sadakinkaa a ndeer in na pexey fa lay faa na fapaa too a bisiidaa jam. (A Kim a tedu ke 141:3, 34L13 ; Efes 4:29 ; Mace 7:3-4)

NGAYNAAK NE NO LAAW OLE

Kaa nand ee basil in kaa ṛoxoraa fo a pesoorofo a leng kut ake no bakaad xa kiid xa mayu. Yiif Tedu le, ci'i a in doole i mbaag o mbatin _____ fee refna kam basil in a fi'a xa kiid xa mayu. (2 Korint 10:3-5)

Ci'i basil es , wo Roog , doole o fañ xalaat le _____ too mayɗand a yiif in fo fop ke refna ndigil , a jof , a mos , a faax too xel o simatel . (Filip 4:8)

O Yaal oxe, wo refu doole fo a muc ale no basil es. Jangni a in ndax i njang bonax ke Roog, ndokoox o maxanda xire le, fo laɓ ne no Yiif le . Dimle'i in ndax i andiloox pexey ke saytaane too mbañ a tas a tolax na pexey o ngim onqe, no xod, fo nqooladaru fo paaxeer ke fop na yaqaa basil ke .

(A Sutax ale 15:2 ; Efes 6:11, 16-18)

ÑOOWIR FO A SAYTAX

Faap, i anda ee ci'it mbadu nuu refna na wo a inooru too soxla ke in a nqaalaang. Dimle'aam ndax um moy o and soxla ke no yiif, no njer, fo no yeg yeg ke no basil es ndax um waagin o geenoox.

(Saak 1:17 ; Mace 6:32)

Roog, saytooxi basil ne in no fop ke waaguuna o fi paaxeer. Kaa i ṛootnooxaa yooru yook njegu katil ne wo refna njaɓnooxan in . Boo diid le a mayna na qeeñ in , wetandi a in ee , o mbeq o njegee sik onqe wo kaa raxaa diid .

(A Kim a tedu ke 91:1-3 ; 1 Saŋ 4:18)

Roog, kaa felong ndax i ngidim we ndimna a in fo maam ke in yaam ne da topatooxna ain fo o mbeq den . Dimle'i basil in ndax ta waag o reef o ngim onqe , topatooxa maak we too niw a den .

(1 Timote 5:4 ; A Paɗax ale 19:3 ; Hebre 12:9)

KE NA GARAA

Fa lay of kaa ref o lampa olaa na d'oxaa basil ne in. Feeñli a qoolaand of kam a qeeñ ndax i ṛaac' na d'at ale waajanoona in. (A Kim a tedu ke 119:104-105 ; Esayi 42:16)

Sam xa biy in fox a taan in a ndef lalgan no ke reef a Yeesu a tekitna no ne da ṛoowtaa o ngim den . Jangni a den da nqottaa na wo a qoolax den fo yaakaar den no d'etlax ke da nqettaa fop . (1 Timote 4:12 ; A Kim a tedu ke 71:5)

APPENDIX II: BIBLIOGRAPHY

- Bilezikian, Gilbert. *Community 101: Reclaiming the Church as a Community of Oneness*. Grand Rapids: Zondervan, 1997.
- Crabb, Larry. *The Marriage Builder: A Blueprint for Couples and Counselors*. Grand Rapids: Zondervan, 1982, 1992.
- FamilyLife®. *Weekend To Remember® Manual*. Little Rock: FamilyLife Publishing®, 1987, 2014.
- Patterson, Roger. *Answers in Genesis*. May 24, 2011. <https://answersingenesis.org/family/marriage/what-about-polygamy-in-the-bible/> (accessed August 16, 2018).
- Rainey, Dennis. *The Art of Marriage*. Little Rock: FamilyLife Publishing®, 1985, 2012.